

王氏族譜  
八卷

254
1010
1

嘉慶庚申歲重纂

王氏宗譜



八修族譜序



周禮春官小史掌邦國之志奠世系而辨



氏註曰世系奠則人知祖宗之本原昭穆辨則人知妣

續之倫序旨哉斯言誠古今之急務也後世王朝不設

其官宗族之聯屬渙散一視其人之所自為譜牒者猶

見先王敬宗收族之遺意不可不首重也按團沙王氏

其上世世居山東博平自其始祖兵部車駕司 三六

公以宋寧宗時避元之亂始徙家於邑之大沙六傳至

端一公復由大沙卜宅茲土此王團沙所自昉也歷世

相承支繁葉茂生齒盈乎千百姓氏著於潤東迨明季

時有際寰起寰二公者兄弟競爽奮迹南都奉龍種於  
再造之餘媿勲名於公侯之列褒封寵錫照耀一時斯  
豈非積厚流光祖功宗德之所致哉及按其譜牒續修  
之迹則自前明永樂庚寅及我朝乾隆壬申增修者  
凡七次至今又幾五十年矣族老明松翁等深慮年湮  
代遠而堊埋生聚之或失其傳故偕諸同志嗣加纂輯  
上繼壬申之後迄今已未以前序次叅考彙成一編使  
世系詳明昭穆整肅然後附之剗以永久遠云顧余  
於此獨有感焉夫君子敬宗收族窮流溯源惟無失其  
真而已矣彼世之墮棄宗支不念木本水源之義致夷

同族於路人者無論已卽有一二有爲之士又復攀援牽附好引古之名高貴顯以爲氏族宗黨之榮若正倫之援南杜郭崇韜之拜墓汾陽者可勝道哉此又有志於敦本崇實者所恥而不屑爲也今觀王氏之譜事詳而核義正而嚴非本宗之派者雖盛弗援係一脉之流者雖微必錄蓋莫非古人承先啟後之善道也王氏子孫苟能上念祖功聿修厥德或振藻儒林或驥首王路則異日之所以顯聲名而恢宗族者又曷可量哉歲之仲春明松翁將輯譜事而來問序於余余與翁忝居世誼又嘉翁之克繼前徽慨然以敬宗收族爲已任也爰

不辭謏陋而爲之序

皆

嘉慶四年歲次己未孟夏中浣之吉

吳沙宗世弟執殽頓首拜撰

潤東王氏續修宗譜序

吾鄉橋東西王甸王氏系出宋兵部車駕司定南公後  
避元之亂始自山東之博平徙家於潤之大沙六傳至  
樸庵端一公於明初復由大沙徙家於王團沙以居焉  
後世子孫世居茲土分爲五大支八大分以守其先人  
墟壟並里中創建祠宇以奉嘗蒸蓋自始遷祖樸庵公  
相傳迄今已四百餘年而子孫之繁衍又相傳十有七  
世其姓氏甲於潤東爲吾鄉之望族也今歲之春其族  
老明松宗翁等率其族之卑幼重修家乘因屬予爲序  
予按王氏受姓之始系出姬姓周靈王太子晉公以直

諫疏降爲庶人其子宗敬公爲周之司徒時人號曰王  
家因以爲氏萬姓統譜唐書世系表中已詳言之自周  
秦漢晉以及六朝五代唐宋明季之間文獻衣冠忠臣  
孝子載於史冊者惟王氏之子孫最著最盛歷代史乘  
彬彬可攷而知然宗近不宗遠猶當絕蔓引藤牽以始  
遷之祖爲是予閱其世譜其前人已歷歷經修考核詳  
明而皆以兵部車駕公爲遷大沙之祖繼五世而下遷  
王團沙而復以樸庵公爲始其上世在山東博平之祖  
故族自有其地之譜牒存稽而遷徙流寓故族之譜是  
所必載者也松翁等今之續修其宗譜也溯淵源之所



自則始於車駕公而生卒名號及長幼親踈之詳則斷  
自始遷祖樸庵公以下蓋其宗之所自出固不可以莫  
之或省而所以致吾敬宗收族之心自當循其死必訃  
冠娶妻必告之常而踈遠者不容濫及是卽其先公輩  
托始車駕公不敢牽合攀附以同姓爵里衣冠非其族  
而漫引之其周詳審慎爲獨至也夫其先公輩與諸君  
子之所行事足爲後人之所觀法者豈徒其家當世守  
之然能用高曾規矩而不失其遺意者徃徃而少其先  
公輩已詳其來潤之宗臚列支派以篤一本之愛而如  
散遷他地以至不通往來者則誌其初去之人以俟異

日敬宗收族之可攷核乃今之續修仍遵循舊典而不  
忘家法者乎君子讀王氏之譜者孝悌之心可以油然而  
而生矣且予家王氏與王甸之族同鄉同里前後以居  
雖不同宗而世世交稱莫逆因得知其族氏衣冠文獻  
其最著者如明末之錦衣衛大堂際寰公及南都御史  
起寰諸公也橋之東西王氏一族隔河以居今雖無高  
官顯爵然世世耕讀節義忠孝仁風素著德行堪師其  
後世各分子孫繼繼繩繩必有嶄然見頭角以播休聲  
於宇宙間者不亦又爲光顯而增宗族鄉黨之榮也哉

於是乎序

皆

嘉慶四年歲次己未仲秋上澣之吉

宗教弟厚村九河頓首拜撰

續修王氏宗譜序

王氏之籍江南者始於宋兵部車駕司定南公公於宋寧宗時經元之亂始遷於潤之大沙凡五世居其沙至明洪武初有端一府君號樸庵者定南公六世孫也復由大沙卜宅茲土此遷玉團沙王氏第一代祖也至定南公以上之祖其家世世居博平而其遠祖未遷於潤者故潤之譜牒槩不載其世系卽居大沙之祖不在玉團沙者此譜雖載而不忘其所出然亦尤當另列於外系此遵從歐陽蘇氏之例玄孫別自爲世之法以始遷其地之祖爲是故王氏之譜牒自其初祖遷玉團沙者

而始入於內系此誠千古不易之法也王氏之宗自其  
始祖樸庵府君生子五人至五公而下由是人丁繁盛  
族且滋大故後世子孫乃又分爲五大支八大分然自  
樸庵府君視之則一人之身也一人之身化而爲千萬  
人王氏之譜前人之所以作而後人之所以修也至於  
生卒名號與夫配氏及年表墳墓有所攷者載之無所  
考者闕焉而其族之人凡有忠孝節義以致嘉言善行  
宜流芳於後者亦須紀錄其事蹟詳載於譜書以爲一  
本之榮繼此譜者宜各詳其親各承其所出而要以此  
譜爲祖此固歐陽蘓氏之譜法也故禮經云萬物本乎

天人本乎祖今夫人道親親親故尊祖尊祖故敬宗  
敬宗則收族收族則敦倫譜之設所以敬宗而收族古  
聖先王立法教人以宗以族無忘乎一脉源流同祖共  
宗之道王氏之有宗也有族也有譜也有祠也有衣冠  
也有文獻也姓氏甲於潤東也其後世之子孫雖千百  
世之遠乃不至相視如途人也譜書之作上自君公下  
及士大夫以及士庶敦倫睦族乃不至相視如途人者  
賴有譜書在焉所以敬宗而收族也君子讀王氏之譜  
者不亦嘖嘖稱賢也乎

嘗

嘉慶四年歲次己未仲秋之吉

宗晚朝俊頓首拜撰

卷不亦費期讀

應百新書本書

史士大夫以兵士

世之數代不至

忠有文繼世撰

宗之世王引之

望夫于立者

尊宗限致

天人太平



王氏續修譜序

潤城東鄉多鉅族獨王氏爲首稱者以王氏人丁繁盛  
布列星散衆而能親渙而能一以耕讀相尙禮義相先  
率彬彬然有古君子風故於諸姓中爲最久遠溯其初  
得姓由周靈王太子晉其後自漢迄唐代有聞人史不  
勝紀然宗近不宗遠茲不具載而第據大宋以來始於  
宋兵部車駕司三六公至寧宗時避元之亂由博平隱  
居古潤卜宅大沙傳至六世端一公由大沙徙居王團  
沙是端一公乃王團沙王氏之始遷祖也自是而下迄  
今延二十餘世歷年六百有餘其間子姓日繁宗族日



盛而皆食舊德服先疇雖有長材秀民通經博雅者未  
嘗一出仕迨明季時有際寰起寰二公者樹績南都功  
垂竹帛而嗣後仍無崛然而起者豈其地泉甘土肥漁  
樵耕牧足以自給故戀而不肯出耶抑亦先世隱居於  
此故不欲違先人之志耶夫積善之家必有餘慶其發  
愈遲者其食報愈厚

今皇上加意作人將訪漢唐故事舉賢良方正以勵風俗  
行見有揚名青牘染翰鳳池以黼黻鴻猷者則王氏諸  
君雖欲遁跡邱園隱居不仕不可得矣茲歲春族老榮  
甫志孝爾登等念家譜久不續修延師王傑士董其事

期年剗劂告成捧以示余願借一言以弁其首余觀其  
源流本末瞭如指掌從前已經修六次刪繁從簡無復  
贅言而此一番之秉筆尤覺更精世系詳明家規整肅  
善惡有褒有貶行次有尊有卑展視之下真足以起人  
孝悌之心也竊嘗謂古人爲墓於郊而封殖之爲廟於  
家而薦饗之爲哭爲踊而悲思之爲銘爲謚以追崇之  
固爲仁人孝子之用心矣然必譜牒修明而後墓於郊  
者有疆界不爲豪強所侵廟於家者有常典不爲不肖  
所褻哀慕有所寄卽譜可以當父書美刺有所昭卽譜  
可以明懲勸且先人之豐功偉烈具載其中時一披閱

繩武之念當有油然而其自生者譜之爲益誠大矣哉今  
王氏續修之譜核而嚴簡而辨如此縱生齒千萬數亦  
必不至有衆而不親渙而不一者其尚耕讀先禮義之  
風曆百世亦不易矣能不首稱爲潤東之鉅族歟是爲  
序

崧  
維

大清乾隆壬申仲冬穀旦

賜進士出身特授鎮江府府學教授年家眷弟趙秉義頓  
首拜撰



重修王氏族譜序

唐張說曰古未有姓自炎帝之姜黃帝之姬始因所生地而爲之姓也厥後天子建德因生以賜姓胙之土命之氏諸侯以字爲氏以諡爲姓下及三代官有世功則有官族邑亦如之後世或氏於國則齊秦魯衛氏於謚則文武成宣氏於官則司空司馬氏於爵則王孫公孫氏於字則孟仲叔季氏於居則東郭北門氏於志則三烏五鹿氏於事則巫卜匠陶氏於名則陳伯袁之後爲袁齊公子高之後爲高氏於地則老聃生於李下而爲李趙奢善於馭馬而爲馬於是受姓命氏燦然衆矣諸侯公卿士大夫之家各

按其氏繫以宗法大宗惟一小宗惟四大宗者百世不遷宗其繼始祖者也小宗者五世則遷宗其繼禰者也有大宗以統之則人同知尊祖有小宗以統之則人同知敬禰而周禮天官太宰之職以九兩之法繫邦國其五曰宗以族得民至於世系之奠旣屬之春官小史而又諷之瞽矇蓋旣序之以禮而又和之以樂序故有別則昭穆不相亂和故有親則戚疎不相離握其權於上則聯屬之勢渙而復合明其制於下則綱維之法疎而實詳其用心綦密矣自官守旣廢世系不明歷世滋蔓子孫至不知先人名行長幼尊卑錯紊顛倒視宗黨如路人蔑義背道賢者傷之

於是宗有譜牒以紀族之分合保姓鳩族扶義翼道使民相親長而敦本不怠蓋有宗法之遺焉漢魏晉唐譜錄漸盛宋世言譜者廬陵歐陽氏眉山蘇氏二家最善歐氏世經人緯取法史氏之年表蘇氏系聯派屬如禮家所謂宗圖總之使人胥重其本之所自出有尊二之道焉各詳其支之所由分有親親之義焉誠止自始祖下及子孫各以類繫不相紊亂歲時伏臘朔望之旦拜謁家廟少長咸集孝相教友相率善相勸過相規有不率者譙讓之斥不與齒則雖未嘗強天下以立宗而宗法亦未嘗不寓由是尊之則人知有祖而分自明親之則人知有宗而恩自篤故

曰譜牒者古道之遺可以收族可以廣仁可以作孝可以  
勸忠教化行而廉恥重愛敬合而德讓流均是物也可曰  
宗法不明遂聽斯人之殘賊無徒也而莫爲之所哉嗟乎  
世道陵夷賢愚不一賴茲譜局以維宗法之窮不染輕儇  
浮薄之習其由孝弟忠信之行各親其親各長其長則積  
之深者流必遠培之厚者枝必昌自此而大其門閭昌其  
後裔或驥首王途或馳聲藝苑皆自譜之修爲之倡導也  
而諸君子慤懃修譜之意不亦怡然大愉快也乎是爲序

雙麟里殷三魁敬題



潤東王氏重修族譜序

新陽道泰

天子南巡命予扈

駕道經潤城雲陽世先生張素修謂予曰王子德功端  
方輩重修其家乘盍作文詞以誌其盛乎詞懇意切  
誼不容辭因受簡從事竊聞古之君子淑身力學期  
於全體致用故得時而行則以道善俗澤被海內否  
亦躬敦淳睦倡興孝悌於其家宗之有譜所以敬祖  
收族興行之本也自先王家自爲教之法不行於天  
下水源木本人浸昧忽不第秦越宗戚道路同氣緣



而念祖修德之義亦畧不置意豈其今弗古若乎倘亦率導無人耳有杖之杜曰雖有他人不如同父雖有他人不如同姓夫自同父以及同姓固有遠近親疎之差誠按譜徵牒逆溯以上知今之派分支折者原究本始則一人之身也宜無不竦然念油然而感者重修之意當亦計及此歟嗟乎世未有厚其宗反薄其親者亦無有孝於親勿飭其身者行見團沙族姓戶祥和人端豫雍雍穆穆遠紹三六公遺休矣然則王氏此舉有裨於厥家者詎不偉哉其期進於君子之道爲何如哉楚人杜濬有言曰俗之敝也士大夫

交游遍天下而或不識其族人文章滿天下而或不  
及其高曾甚者吾宗莫宗願慙二於非其宗者聞德  
功端方輩之行可以思矣予之應世先生之教美王  
氏之舉故稱引以道其善如此若夫系姓之始世次  
之序支緒之繁人文之盛已著譜書屢修緣起各詳  
本序不復及也

峕

康熙歲次乙酉二月

賜進士出身翰林院侍講石城叢澍頓首拜撰

重修王團沙王氏族譜序

古者受姓命氏以旌有功是時民皆土著故名宗望族舉郡國自表而譜繫興焉所以推序昭穆使百世不相亂也遭晉播遷百宗蕩析士去墳墓子孫猶挾系錄以示所承逮唐中葉譜錄俱廢官無常產之拘士無舊德之傳言李悉出隴西言劉悉出彭城悠二世祚無從考據冠冕皂隸混爲一區可勝歎哉王氏之姓自周靈王太子晉以直諫見踈爲庶人其子宗敬爲司徒時人號曰王家因以爲氏其後支分派衍瓜瓞綿延散處四方其最著者有三族焉一曰瑯琊王氏二曰太原王氏三曰京兆王氏若吾潤之

當江沙吳沙王團沙等處皆太原之裔也王團沙之祖相傳始於三六公出自太原分派宋寧宗時避元之亂由山東博平徙居潤之大沙至六世祖端一公復自大沙而徙於王團沙遂定居焉迄今歷世二十有幾歷年六百有餘宗族繁庶子姓衆多約而計之不啻數千丁矣譜則一修於明永樂庚寅二修於正德癸酉三修於嘉靖乙巳四修於萬歷乙卯五修於清順治甲午今康熙甲申族翁德功端方憲文輩深慮世遠人湮而先人之德澤或致泯沒而弗傳也禮聘予而續修之蓋端方之尊翁起寰公爲明季南都御史翁其第四子也翁不怠先志綜理祠務倡修族

譜以爲承先啓後之規可謂善於繼述者矣予與翁累世  
通家忝居戚屬誼不容辭因謹遵翁命二載於茲補缺刪  
繁正訛辨僞名實不淆後先有序纂籍旣精付之剞劂今  
而後是譜旣成不獨爲王氏之譜實卽爲王氏之史矣王  
之子孫苟能尙念爾祖勤修德業或振藻於儒林或樹勲  
於閩外上繼金吾公暨御史公之盛蹟也其亦庶幾不負  
作譜之至意也夫

峕

康熙四十四年歲次乙酉清和月中浣之吉

通家眷弟龔 達大行氏拜撰

王氏族譜舊序

王氏爲宇內望族前序備道之矣而團沙王氏則始於三  
六公諱萬祿者傳至六世孫端一公自大沙遷於是衍慶  
於正三公等紀盛於興字輩其間散處不一而家乘一修  
於明永樂庚寅二修於正德癸酉三修於嘉靖乙巳四修  
於萬歷乙卯統序明而昭穆定但歐蘓遺制十年一修自  
乙卯及今四十餘年不經復輯宗派愈遠支裔愈蕃名諱  
字號不清行派事實未註婚娶卒塋未補祖功宗德未闡  
豈先人作譜之初心哉茲以明宇際寰起寰文甫諸公爲  
此惧緣糾族之長而好禮者如惟業榮字玉泉臣甫等協

力從事予因爲之書名書字書號書行書生書卒註婚姻  
紀瑩域辨昭穆別親疎功名壽考具備慶賀衰輓不遺狀  
誌贈送悉錄條分縷析無一不載間有路遙而不及咨訪  
者則書其初去之人以便將來可續凡四十年來事蹟備  
所未備詳所未詳搜羅攷正殫精竭力釐剔真贗經夏涉  
秋三易草稿始稱完書其聯散聚渙之思正各定分之志  
諄且懇矣王氏後人其嗣續無彊媿美先哲務令孝友施  
於家忠貞達於國則予小子今日之修未必無小補也是  
爲序

順治十一年歲在甲午季夏之吉

廣陵後學覺非張星燦拜撰



王氏族譜舊序

予聞先正有曰水有源木有本人有祖其義一焉何也夫水之淵源深者其流必長木之根本壯者其枝葉必茂人之祖德厚者其子孫必盛此蓋天地自然之理而非人之所能爲也若夫王氏之祖肇基於周靈王太子晉封國太原其後子孫繁衍蔓延於天下自春秋戰國秦漢以及唐宋上下數千餘年其間有文章發身而爲相爲卿者有戰勝攻取而拜將封侯者亦有著書立言而垂範後世者有不仕王侯而高尙其志者繩繩相繼史不絕書何莫非祖宗積德之厚所致耶今觀潤東王

氏譜牒其始遷之祖始於三六公其上世世居山東博平宋寧宗時公爲兵部車駕司避元之亂始隱居於潤州公見大沙人物豐盛遂占籍且家焉傳至六世孫

端一公者實天挺豪傑超出等夷卓有大志乃歷覽輿圖遊觀形勝見圖山之陽有王團沙不獨水碧沙明沃野數十里且風淳俗厚可爲子孫長久計由是乃自大沙徙居於此焉自端一公啟其源而衍慶於公之子

正三公等昆弟五人相傳迄今十有六世衣冠文獻族且滋大甚至散處四方及他州郡者已十餘族矣雖其遷徙遠近之不同要皆始自王團沙端一公基之也

其譜書之作一修於正三公而宗法備繼修於定十四公而世系明再修於英八公而家規整無復又他說矣王君鋒暘暖時任等猶有歎焉今歲之春厥婿省非孫守信公復贊揚之是以禮延予與姪相賓在塾重加修輯予則因其舊者而考訂之刪其繁文錄其未載序昭穆正名分紀生葬詳嫁娶巨細畢舉本末兼該無一事之不載無一事之遺漏歷數月而稿成更期年而大備是誠爲鎮家之至寶傳世之重器也豈可輕視而忽之哉雖然修錄世系固爲尊祖敬宗之大然有不貴世有是譜而貴世有賢子孫擢高科登顯要光祖考耀門閭

三  
身  
身  
名聞當時譽垂後世者爲可貴也豈曰譜書云乎哉財  
富云乎哉謹序

皆

皇明萬歷歲次乙卯仲冬月吉日

豫章豐城懷崗徐汝道拜書



王氏三修族譜序

家之有譜猶國之有史其義一也夫史以紀一代之興衰而譜以戴一本之世系上自高曾祖禰下及子孫曾玄如木之自根而幹而枝相衍相維不離不紊古者敦倫睦族俗美風清可見先王以族教安之旨敬宗收族之義其法不亦盡美矣乎若吾鄉王甸王氏原屬山東博平之望族至宋寧宗時經元之亂其始祖兵部車駕司定南公始徙家於潤之大沙至我朝洪武初其六世祖端一公號朴庵者復由大沙卜宅茲土卽王團沙王氏第一代祖也歷世相傳子孫日盛今胥農隱

以耕讀相尙然余見其宗人父慈也子孝也兄友也弟  
恭也敦本尚實忠孝播聞他日必有人文興起倍振於  
前而歷世之祖功宗德不亦深且遠哉吾友英八宗翁  
等每思念族之散處四方如同碁置欲聯一本之情須  
通九族之誼庶不相視爲途人故率衆倡修其家譜而  
屬余爲序余展閱其世譜其昭穆序尊卑明以至里居  
墓所生歿名號無不詳載而父老宗功之懿行又昭然  
見於譜牒中君子讀王氏之譜者孝悌之心可以油然而  
而生矣余故謂家之有譜不亦儼如國之有史也哉是

爲序

岿

皇明嘉靖二十四年歲次乙巳春二月之吉

宗弟權竹溪氏頓首拜撰



潤東王氏二次重修族譜序

嘗觀天下之事有事其所當事有不事其所當事乃人道之常也譬夫正倫理篤恩義敬其所尊愛其所親事死如事生事亡如事存事其所當事也惑異端黷淫祀不爲善以去惡冀徼福以免禍事其所不當事也修祠以尊祖修譜以敘宗豈非當事之先務乎事其所當事修之至於無所壞事其所不當事不修之而至於壞不修之久而至於大壞天下之事皆是也事其所當事不事其所不當事修之至於無所壞者若王團沙王氏是已王氏之先系出宋兵部車駕司三六公宋寧宗時避



元之亂由山東博平徙家於潤之大沙六傳至端一公  
於明初復由大沙遷王團沙至公而下蕃衍碩大超諸  
姓之上按王氏受姓之始系出姬姓周靈王太子晉自  
歷代以來各臣碩彥忠臣孝子載於史冊者昭於日星  
彬彬可考今譜中槩不具論者以未遷於潤之遠祖故  
不具載也卽兵部公父子著望山東南遷於潤大沙王  
氏之族由數君子而大其族焉塞天地而明日月何事  
於修而後無所壞哉孫叔豹謂保姓受氏不若立德立  
功立言之不朽王氏之後立德其法曾閔立言其法歐  
蘓立功其法君家之三六府君則其大豈有旣乎將亦

無事於修而後無所壞也雖然功之立以時言之立以學德之立也斯立矣立德有要乎事其所當事不事其所不當事也王氏之譜懼其壞而修之者其族老義十二翁也屬余敘其譜者吾友人定九君也嘉其修之至於無所壞從而叙之者里人繼宗也於戲王氏之後人必有仁人孝子敬宗收族將其譜牒按其年時修舉不至不修之而待其壞哉余故曰事其所當事者宗族之中修譜修祠爲最重之先務乎

皆

皇明正德八年歲次癸酉季春之吉

三正... 卷一  
宗教弟里人繼宗頓首拜撰

中... 宗... 弟... 里... 人... 繼... 宗... 頓... 首... 拜... 撰

至不... 宗... 弟... 里... 人... 繼... 宗... 頓... 首... 拜... 撰

必... 宗... 弟... 里... 人... 繼... 宗... 頓... 首... 拜... 撰

宗... 弟... 里... 人... 繼... 宗... 頓... 首... 拜... 撰

宗... 弟... 里... 人... 繼... 宗... 頓... 首... 拜... 撰

宗... 弟... 里... 人... 繼... 宗... 頓... 首... 拜... 撰

宗... 弟... 里... 人... 繼... 宗... 頓... 首... 拜... 撰

宗... 弟... 里... 人... 繼... 宗... 頓... 首... 拜... 撰

潤東王團沙王氏宗譜序

余嘗流覽篇章盛衰消息之理天道然也夫公鄉起自  
犁鋤世家降爲輿卑無恒尚矣以人回天顯微隆替祖  
考之所以望我後人也在自立而已立之道奈何立德  
也立功也立言也立德本也德也天之與我者明善以  
開於始復初以宅於終德有諸已矣是故用則行其道  
於當時安社稷澤生民不用則行其言於後世繼往聖  
開來學古之君子所以保姓受氏也今之君子或異於  
是焉崇高富貴卑抑貧賤齊梁之游士陋巷之匹夫非  
有趙孟之貴韓魏之富也而終隨乎天地焉自立而已

爾潤東王氏山東著望其始祖兵部車駕司 三六公  
於宋寧宗時因元之亂由博平遷潤之大沙六傳至  
端一公於我 朝初復由大沙卜宅茲土此遷王團沙  
王氏所自出之祖也今歲之春余友王君廷蒸文萃捧  
其祖 端一公草創遺譜附之剗刷刊刻成書因屬余  
爲序以冠篇端余閱其世系宗圖其祖 端一公已譜  
其來大沙之祖 三六公爲始而遠祖之在博平者原  
稿未書故今之譜書所載仍遵其舊典譜其所可知闕  
其所不可知以傳信也余謂譜書之作正宜以始遷之

祖爲是俾後人有所取法以尊崇所至之祖無效崇禛

拜墓汾陽而君子譏之也然天下譜其族者多矣攷眉山蘇氏譜牒以明永公聞廬陵歐陽氏譜牒以永叔公聞二公之言立故也君家之族其後世子孫尤當效之師顏孟以立德師伊召以立功師宋代之歐蘓以立言昌大其族者必有所立乎而譜書亦有所增光也若託他人之言以圖不朽亦末也其好學深思英俊賢良之苗裔欲立德立言立功以垂名不朽者必以余言爲是也至若修輯譜書之例君祖已有遺規無欲余言縷析云

峕

皇明永樂八年歲次庚寅春二月之吉

宗弟謙頓首撰

新立分譜宗支世系圖序

王氏之籍江南者始於宋曰兵部車駕司定南公嘉定中避元之亂由山東博平徙家於潤之大沙六傳至朴庵端一公於明初復又徙家於吾鄉之王團沙以居焉生五子分五支後世子孫尊之爲五大分祖其各分苗裔繁衍碩大已超諸姓之上前明嘉靖中信國公女莊妃寵遇恩隆恩封父祖蔭及昆弟錦衣千戶崇禎末南都御史起衰諸公保弘光帝南立建功子孫衣冠世襲其事蹟雖相隔百五十餘年而今人尤艷稱之不亦又成江左名家而爲潤東之巨族也然至五公而下後



又分爲十餘支惟正六公派下子孫轉至興三一三二  
兩公之裔最著著盛余嘗展閱其世譜王沙吳沙橋東  
西土甸兩村居住者十餘支之內而正六公之後裔十  
有其八焉夫王氏之族居於此鄉者其始祖自明初以  
來迄今已四百四十餘年子姓相傳又十有七世而歷  
代各分之子孫譜牒載明有散遷於他州郡及他鄉者  
亦已多矣其仍居故里者其各分子孫亦能世守先坵  
壠併里中舊有祠宇以奉嘗蒸於時展省各地墳墓今  
雖無科第蟬聯然世世耕讀節義忠孝代有賢良名譽  
可傳以及懿行可風者士君子每每稱揚道頌以慕其

高風故屢贈以詩文序贊播名於家乘之中以相傳聞者若而人王氏之子孫至十六世以下來者正又方興而未艾也嘉慶己未冬日吾友從風宗翁及其姪科龍君輩以本分宗支世系圖譜屬余序之以俟每歲元旦春秋家庭奉敬余雖不文嘉其志行可取因代爲序爲圖以續成之令其後世孝子賢孫報本追遠者卽以此觀法效尤可爲尊祖敬宗之道也於是乎序併又爲之書

峕

嘉慶四年歲次己未季冬之吉

宗弟厚邨九河謹撰

書法... 國... 宗... 弟... 厚... 邨... 九... 河... 謹... 撰...  
 國... 宗... 弟... 厚... 邨... 九... 河... 謹... 撰...  
 宗... 弟... 厚... 邨... 九... 河... 謹... 撰...  
 弟... 厚... 邨... 九... 河... 謹... 撰...  
 厚... 邨... 九... 河... 謹... 撰...  
 邨... 九... 河... 謹... 撰...  
 九... 河... 謹... 撰...  
 河... 謹... 撰...  
 謹... 撰...  
 撰...

福府隨

駕書堂官王尙雲陶瀚郭大賢林鳴昇趙世臣王之臣  
謹奏爲恭

荷

天恩實慚祇受伏祈

聖鑒前勞挽回

成命以重

國器事蓋德懋懋官功懋懋賞誠有國之常規乃貪天  
之功爲已之力尤古人所深戒臣等猥以駑乘扈

龍光方免驚危驟叨

榮寵前蒙

聖恩授臣等六人錦衣衛指揮僉事子孫世襲本衛千戶  
衆員喜怖中集具疏叩辭復蒙

聖旨臣等從龍効勞俱着祇受不准辭該部知道欽此欽  
遵伏念臣等而功可賞殊滋負乘之羞有眷欲膺益切  
芒刺之懼謹再叩辭祈

鑑愚衷爰述前勞上塵聰聽憶昔賊臨肆毒環雒圍攻臣  
等與常應俊運謀設計縋城脫難扶掖惶奔則臣等所  
同也櫻鋒衝突護旋

聖躬則臣等所同也積雪凝冰龍潛鼠遯惶懼非常則臣

等所同也分途尋找

呼

朱相公得遇駕歡勞頓之極跋涉難行更相背負始抵  
河湄則臣等所同也播遷之餘供應無措挺渡取金以  
療饑枵則臣等所同也懷城再陷買船河下預覓水夫  
卒離賊手則臣等所同也入官救

駕突馳東門扶翼

龍軀脫離虎口則臣等所同也出金寶於淪沒之際保  
玉體於顛沛之中誓捐頂踵忘厥妻孥則臣等所同也  
皇躬祉集漸達真州

聖母福臻獲安懷邑則臣等所同也臣等非

陛下之廕庇無以保餘生

陛下非臣等之匡扶難以獲萬安殫心翊戴竭力維持拱  
護周全似憑人力陰襄默佑實藉神功疇敢貪天妄希  
列土但昔晉文反國賞從亡者六人初無差等迨我

世宗繼統爵擁衛之將校未有重輕雖獎成勞實昭曠典  
茲臣等纖毫之績曷勝浩蕩之恩附鳳攀龍已慶一時  
之遇瞻雲就日更奇千載之逢愧乏涓埃用裨山海承  
恩逾分撫已增慚伏望

聖明洞悉微功挽回

成命庶積勞可紀覆餗無虞名器不致輕假而官賞亦  
非濫授矣臣等無任瞻切屏營之至臣等因六月廿二  
日具

奏廿三日奉

聖旨甘苦得出六人良與有力蕪蕪舊亭朕未能忘這特  
恩着卽祇受不准辭着加授都指揮僉事子孫世襲該  
衙門知道





王氏重修族譜目錄

卷之一

序 文獻 凡例 訓典

遺像 傳 贊 序 記 跋

卷之二

外紀五世圖內紀一世至九世世系圖

一世至六世年表附

卷之三

七世至九世年表附

卷之四

十世至十三世世系圖十世年表附

卷之五

十一世至十二世年表附

卷之六

十二世至十三世年表附

卷之七

十四世至十七世世系圖十四世年表附

卷之八

十五世至十七世年表附

凡例

一系次先儘長房後及次房所以別昭穆明支庶也向譜長房五世後便及次房次房五世後便及三房以下四五諸房亦然

一譜式倣史記年表例世爲經人爲緯五世一提下上其世以見五服之義歐蘇兩家世譜俱然

一再修譜例云舊系已定凡有關疑後人當竭力增修以成善本或前譜有訛當卽行改正不得以訛傳訛而貽

譏於後世也

一生子按蘓氏法八年入小學方許命名編入譜系若歐氏法彌月卽當報名恐防遺漏今譜從歐

一無子而立嗣者當以支近名正繼之仍於本生父名下書曰某出爲某兄弟後於後父名下書曰以某兄弟之子來繼並註詳明承祧重事須要名正言順蓋王法繼統不以分宗法繼世不以情無容僭紊也世俗有違理而立異姓爲後者或以外甥或以贅婿或懷抱異姓之

子悖理忘親甚矣法例並不得書必不得已亦須聞衆  
顯書其跡以明示後人毋諱以亂姓蓋莒人嗣鄆春秋  
書滅賈充後韓謚法曰荒神不歆非類不敢不嚴也

一再修譜例云附載家範條例使後人便覽而垂戒令並  
前後修譜序文不敢遺佚悉刊入以誌先世成勞

一子孫出贅或爲異姓音問不絕者其後嗣多寡所居地  
一體登識卽甚微弱存其支頭若數傳而不歸彼旣安  
果羸之負此不能爲放豚之追則亦已矣

一子孫在外立業成家者則書遷居地名年甲之詳俾世遠屬踈得所有考至於流落莫祀多由遷徙之故世代變更遂忘所自亦須詳書居徙之地年事之迹以便後世稽查

一娶婦者書其氏族村居祖父名爵嫁女一書其壻之爵氏族欲後人可以考婚姻叙甥舅聯瓜葛也

一按明孝慈錄於正室則書配如側室則分副弗子者不得書非嫡偶也有子者書使其子孫曉然知所從來各

不紊情亦安也

一婦女有各節貞淑者當立傳以旌異之男德易表女德  
多泯此亦微顯闡幽之意或曰嫁女彼自有譜何煩贅  
此曰女所自出貞節若不爲母家光醜行寧不爲母家  
辱乎

一凡夭殤已冠則書未冠者則不書蓋將責以成人之道  
也

一歐氏譜有諱書有直書之異令有功德言堪不朽者既表於譜以示勸若夫敗德醜行及不得其死亦筆之以示懲或削其名

一族人有功於譜牒祠堂坵壟者卽祖宗之賢子孫也當於本名下詳註其功至其後世設主配享始祖及特傳以表揚之

一祖宗諱行字號子孫不得擅犯如有犯者卽以侮倫究治後世子孫永遵此則





王氏重修族譜新增家訓三十三條 有序

萬石君不言而躬行子弟孝謹齊魯諸儒自以爲不及  
房玄齡集古今家誠書爲屏風令諸子各取一具而不  
能率教卒以敗亡家誠胡爲者哉斯固空言無補也曩  
吾祖亦有貽誠矣而曾玄多棄爲弁髦然雖有不肖者  
棄爲弁髦豈無賢者奉爲蓍蔡既有爲之作率則不肖  
者觀感而知醜二斯悔二斯改二則善心油然而生是  
言可無而不可無也古者士大夫歸而明農事坐里門  
教子孫至鄉里有不善者且不欲令王彥方知况夫一  
氣聯屬者哉吾向有家訓令附於譜庶爲式穀詒謀之

助焉

建祠宇

祠廟之設一則以萃祖考之渙一則以親宗族之情一則以教子孫之孝甚哉所系之重也今人治私室則規模惟恐不至而於祠宇興廢則不加之意焉是何爲已謀者重爲祖考宗族謀者輕耶噫不思甚矣凡我子孫先祖祠宇宜及時修理幸勿因循以致傾頽

修譜牒

譜牒者所以統世系清支派別尊卑序長幼乃明倫睦  
族之大典也吾族自端一公遷居王團沙以來譜牒重  
修於順治甲午年今幸族人見譜牒久湮懼倫序失次  
各分乖離延師再加修輯務期十六年一小修三十年  
一大修而後祖宗之卒墓子孫之生齒有所稽考不致  
遺忘以綿先澤於不替也

### 守墳墓

墳墓者先人體魄所藏或時移世遠陵谷變遷或道路  
溝渠樵牧侵毀仁人孝子寧不痛傷自今以往凡我祖

宗墳塋宜各立碑記培廕木禁樵採時拜掃祖宗之神  
靈既有所依則子孫雖千萬億皆蒙其蔭庇矣

### 謹祭祀

禮曰粢盛不潔不爲饗殮祭服不備不爲衣服誠有見  
於祀事之當謹也吾族聚族而居凡遇春秋伏臘朔望  
之日及清明各分各祭惟元旦冬至合祠舉祀務宜必  
誠必敬不吳不傲上聚祖宗昭穆於一堂下會伯叔兄  
弟於一室如是肅二雍二誠爲孝子追遠之道

孝父母

鞠育之恩昊天罔極人子事親之道不能備載惟在日用常行之內各竭其力各盡其心而已若夫不愛其親而愛他人者謂之悖德不敬其親而敬他人者謂之悖禮甚有好貨財私妻子酗酒游食忤逆天倫此不孝之尤者抑思父母根本也吾身質幹也子孫枝葉也焉有根本不培而質幹枝葉得昌茂者哉故五刑之屬三千而罪莫大於不孝族人勉之

友兄弟

詩云凡今之人莫如兄弟又云死喪之威兄弟孔懷蓋朋友之合皆異姓惟兄弟爲同氣骨肉之親果能兄弟恭則和氣致祥理之必然也若以產業貨財之故以致閭墻之釁同室操戈傷殘骨肉取笑鄉鄰上貽父母之憂下結子孫之怨豈不深可悲哉

### 訓子孫

子孫之賢不肖門戶之盛衰因之而父兄之教育與否又子孫之賢不肖因之故爲賢父兄者當積陰德以庇之躬仁義以導之明經史以教之擇師友以輔之嚴課

程以督之日就月將激此勸彼使其德業修文學成窮  
可爲師友達則卿相其不能者亦須使之習禮讓識廉  
恥庶不辱我門戶

敬長上

尊卑長幼既有定分稱呼拜揖自有成規在尊長須和  
平以待下在卑幼須恭敬以事上每逢朔望父兄須率  
子弟詣祠謁祖教以禮儀示以法度數日不見尊長雖  
塗遇必揖坐必起行則徐應對則柔聲下氣母以尊凌  
卑母以下犯上母以強欺弱母以富虐貧此仁讓傳家

之道也

肅閨門

室家以和則不乖男女以別則不瀆幾須杜漸內外各有防閑事貴炳先僮僕無令逐隊觀其室掃除淨盡是微嚴肅之規登斯堂聲息不聞亦是和偕之驗最禁燒香謁廟嚴屏三姑六婆

結婚姻

娶婦妄攀門楣到家來驕蹇成習子女只聯銅臭嫁他



去村俗難醫詩禮舊人家可以婿亦可以婦德性純良者不終賤亦不終貧切勿趨炎逐羶只宜循分潔德

習耕讀

耕則勤稼穡取天地自然之利讀則習詩書明古今不易之理上可以致富貴下可以贍身家承先啟後之業莫善於此至於百工商賈雖爲末藝亦生財之道若游手好閑不務本業上無以事父母下無以訓子孫此不肖之尤者當重懲之

懲淫穢

鶉奔歌而衛羅狄人之禍麀聚亂而唐釀天寶之危蓋  
萬惡淫爲首五服律加等也近得風聞未揚露布吾族  
不能申鳴鼓之攻當宜凜湮淄之染

戒爭訟

訟者喪德敗家之事也果其真寃實枉鬱抑難伸鄉族  
不能決不得已而鳴官猶之可也若好爭健訟兜攬刁  
唆壞人身家損已陰德怨聲載道殃禍及身天理昭彰

報應不爽族人省之

禁賭博

近年以游湖混江馬弔擲新快六子等色靡風比見紳  
衿士庶成癖飾稱斯文雅戲實是賭博之別名縱獲千  
萬億却咲真貪癡也吾族子孫乏三遷之教難免衆楚  
之咻切戒褻裳以逐流務宜裹足以高蹈

勿暴殄

人生食祿有數享盡則終物力盈輸不常節省可久盤  
中糝粒須知血汗博來厨下衆生盡向刀砧死去留有  
餘以養福充不忍以存仁莫待無時悔有時嘗將有日

思無日

人於鰥寡

鰥寡孤獨之人悽風苦雨既無父子以相慰良辰美景  
又無骨肉以言懽古者八家同井尙相憐助况一脉流  
傳何忍坐視凡遇此等不足者調恤之有餘者維持之  
庶見同族之義若有欺孤虐寡毀名喪節者無良之甚  
族共攻之

擯下流

吾族自宋元明以來清白相傳世爲子孫矜式若失身  
衙門甘爲胥役作事奸險制行乖方一旦事敗喪身亡  
家妻孥受辱親族被累流禍之烈莫可底止至於變良  
爲賤或流入梨園或竄身營五或甘居奴僕玷祖辱宗  
莫此爲甚族共棄之

完賦稅  
有田則有賦有丁則有差此朝廷重務人所當樂輸者  
條銀須如限完納糧米須先期上倉至於雜項差徭亦

宜驗田支應無尅人肥已苦樂不均庶見同族一體之意若拖欠條糧規避差役里長剝削細戶上則明干國憲下則重拂輿情取禍非一族人戒之

恤患難

人之患難有五水火盜賊病疾死喪誣枉此皆變生於不測者吾族比里而居如遇此等當爲救護扶持賑濟申辨旣盡親誼亦有陰德如有幸災樂禍藉事生端忍爲不仁不義之人者族共斥之

勤藝業

士勤則讀書成農勤則生業裕工勤則技藝精商勤則  
貲財厚此起家之道也若有餘者飽食暖衣遊蕩無度  
不足者貪閒懶作怠忽偷安以致富者漸貧貧者益窘  
借貸無門乞鄰取憎與其厚顏以求人何如奮志以勵  
已族人勉之

謹節用

冠婚喪祭稱家有無交接餽遺務從簡約至一切房屋  
器用衣飾之類俱宜儉朴以圖堅久不惟省財而亦且

惜福若窮奢好勝喜靡天道忌盈一旦朝華夕落悔之  
晚矣

### 恤奴僕

奴僕與我雖有上下之分然亦人子也當恤其饑寒憫  
其疾病念其勞苦設有小過則宛轉開諭至於酗酒撒  
潑得罪家長及盜竊非爲等事必嚴行懲治或送官正  
法或卽行斥逐不得寬容故縱以致罪坐家長族人戒  
之



禁巫邪

婦人見小喜徵福以媚神奴婢涎總樂迎巫而燒紙豈  
知錢爐火燄鬼不靈而亦靈牲體馨聞人無病而生病  
與其禱杳渺淫祠不若請高明醫士遣上下之二豎驅  
表裡之三邪

王氏家訓終

王氏宗譜行派考

分源行派考

王氏宗譜自其始祖端一公遷王團沙以下子孫分五大支而各支行派有同不同或兄弟之間宜以一字之行派爲是今其世系中有同宗兄弟而分立數字行派者令人總難於查核何支何派理論難清乃今將各房行派之字同與不同逐一著於譜首俾後世子孫查閱一目而知各房分派至晉敦尊廣等字始歸之於一後人修譜同宗兄弟行派不宜有二要歸於一字之行爲是也

大房正三公下一支行派字

端正真興敬仲禮無

端正真興敬軒無

端正真興敬順富貴金祿滿堂晉敦尊廣謙讓懿

範

端正真興性幸達尙乾元亨利晉

端正真興性幸洪永遠茂盛惠無

二房正四公下一支行派字

端正真福善慶壽先遠茂無

三房正五公下一支行派字

端正真原隆忠昶浩大明順惠無

端正真原隆忠昶浩大明萬惠晉無

四房正六公下一支行派字

端正真興仁義禮智信堯良惠無

端正真興仁義定英英小育西育賢西賢良惠晉

端正真興仁義定英小育無

端正真興仁義定英育賢良惠晉敦尊廣謙讓懿

範

五房正七公下一支行派字

端正真興榮華裕文武能才惠晉

端正真興榮華裕文武能良惠晉

端正真興榮華裕文武世恭美晉

新增字派

謙讓懿範綱紀經綸

明處士朴庵公遺像



讚曰

不貪朱紫入王庭常與漁樵論野情  
圖陽卜宅來歸隱  
雀舌茶馨召近鄰遍地桑麻供國賦  
一腔詩酒樂生平  
無榮無辱真堪羨道德高風振士林

眷教弟俞圭拜題

明錦衣衛大際堂公像






三上  
身  
讚曰

仁愛存心慷慨濟世操端木之權爲朱門之友北變倉  
卒憤起勤王護主衝鋒中興南國班列從龍金吾之寵  
旣渥誼若舊契至尊號而不名身犯等儔子陵亞匹

明 南 都 御 史 起 衰 公 像



讚曰

卓哉我公

偉矣其容

乃文乃武

可賦可戎

駢二周道

蹇二王宮

護蹕南都

流寇失鋒

長才獨展

建國昌宗

隆恩寵錫

錦衣顯榮

族孫志起頓首拜贊

贊 修 公 像 遺



三上  
身  
讚曰

盛德積中

光華發外

敬長孝親

始終無怠

排難解紛

常變不改

追想音容

至今如在

姪志文頓首拜撰

爾哲公遺像



1111 281 155

讚曰

居足以移其氣養足以移其體美哉我公幽間自適斯  
像也豈非逸士之天真歟

姪志文頓首拜撰



調甫公遺像

君之豈我暇之天賦性剛直  
然其以行其心者足以知其



王天



端 方 公 遺 像



讚曰

父揚於前

子勤於後

悠哉一身

花月爲友

倉有禹糧

澗有堯韭

誰肖其形

桃源野叟

雲陽張耀先

素修拜撰

樸庵公傳

端一公諱伯源字以深號樸庵宋兵部車駕司定南公六世孫吏員公德崇之子也少有俊才肆志道學我朝洪武初詔取天下懷材抱德之士徵車交聘不就功名遂由大沙歸隱於圖山之陽曰王團沙謂其地江潮時至宜稻麥可以治生乃可爲子孫長久計於是遂家焉按其初公之始至也建宅舍不務華飾曰令子孫繼吾儉而好樸實豎書塾置經史子書於內日讀一卷曰令子孫繼吾勤而好學問置薄田荒圃督家人經理耕鋤曰令子孫繼吾勞而好稼穡平生不妄交遊不妄笑語一坐一止皆可爲後

世法當時胡仁傑蘓平仲王子充宋潛溪俞希魯王有壬  
諸君子亦皆隱居不仕常與公樽酒論文而與之遊焉公  
所著有詩文若干卷藏於家惜乎後世散佚未刊刻行世  
德配朱孺人貞靜端嚴治家教子皆有理法生五子十一  
孫繁衍於曾孫三十餘人永承宗祧世守勿替再傳元孫  
五十有九人誠子孫之蟄二若瓊枝玉樹噫公可爲不朽  
矣予因爲之傳而永垂公之懿行於後云

三復齋老人俞圭撰

世宗嘉靖皇帝王莊妃傳

世宗皇帝王莊妃邑之東鄉王團沙人故處士王公諱璽字國信之女也妃幼從父讀書性穎慧能詩其祖華五公以翰官幣挈居金陵世宗皇帝初選民間女入宮未得幸於是賦詩自歎有風吹金鎖夜聲多之句世宗皇帝覽其詩甚憐之召當御蒙寵冊爲貴妃事孝烈皇后崩椒寢虛位世宗皇帝意屬妃擬冊立陶仲文求賂不得風上以特尊毋庸敵體遂寢然寵幸適冠內宮年未三十而薨性恭儉戒子姪毋驕侈謚莊妃附葬皇陵妃有弟四人長諱繼次諱繡諱縉諱繪以妃貴得一人籍錦衣衛官其家以

三上多美  
繪名上世宗皇帝於繪名加以人字曰何不繪也繪遂得  
補宿衛繪尋卒妃以宮闈之貴邀天恩封父祖蔭及昆弟  
亦千古之奇遇也設使陶仲文不求賂而妃得冊立正位  
中宮天錫其大年必輔我聖君邦國之治不至權奸嚴嵩  
等欺君誤國誅戮忠良爲天下後世忠臣義士之所慨歎  
也妃其賢矣哉妃之事蹟已入丹徒郡邑誌乘而王氏譜  
牒中亦當收錄妃之事蹟以載者也是爲之傳

賢十七公傳

公諱尙仁字應德號敬字英八公之孫育七公之子也家  
傳清白所承貲產不豐志篤燈窻每患膏火難繼善許子  
之力食高沮溺之行藏於是乎舍河洛之芸編操莘野之  
耒耜精稼穡而工南畝播百穀而樹桑麻身與僮僕同勞  
百務具舉力代天工化育歲歲豐登因產置產一望膏肥  
連碧野鼎新甲第仰觀棟宇接青霄菽粟盈倉圖書滿篋  
自合而完而美深得子荆之善由百以千以萬不亞陶朱  
之名誠哉田舍翁富甲園沙矣首配李氏而無出亞娶黃  
氏瑞產三英二子跨灶一女門楣壽享六十六歲且能預

知天命而衣衾棺槨自製成款田產金穀器物婢僕分授  
二子悉生平創業之艱難與人事之體態一一付囑無遺  
然後渺焉而逝嗚呼若公者以勤儉興家以巽順應世富  
而不驕質而好義不飲酒肆不事交遊不忤鄉黨不欺僮  
僕借貨不計利貧乏必扶持德重鄉評名稱長者可謂天  
賦之循良而王沙之巨擘也已因錄紀其實以垂名不朽  
云

廣陵張星燦敬撰



小泉公朱氏孺人合傳

公諱舉字惟賢號小泉生而醇慤端凝仁爲守義爲行弘  
懿明睿允恭溫良容止可則出言有章少業儒以經生言  
自命壯而棄焉安事此咕嗶爲丈夫志在四方卽一藝亦  
可以成名於是揭貲就賈北游留都貿易幾四十年家業  
蕃滋陶朱復先羨公者孰不曰此賈中之豪傑天以二子  
報公長者諱尙雲卽今號際寰者是時隨公同賈遵例上  
納京職異沾一命之榮適

福王府長史刑部主事李尉見際寰公年少老成達藝兼  
之因桑梓之誼卽本具題堂府書授織造之委時親藩合

旨森巖際寰以弘才碩抱爲之籌畫功績愈著令名愈彰  
次子尙乾號起寰幼負俊才志讀垂成種種令節昭著鄉  
黨將來之福祉今不能逆度者也噫公之後裔昌矣所貽  
者遠也公配朱孺人合葬於背山之新阡謹按行畧而爲  
之傳云

廣陵張星燦敬撰

賢二十公傳

公諱尙清字景夷號明宇賢二十其行也英二十公之孫  
育十六公之仲子生而長厚好禮鯁直不阿尙樸實而厭  
浮華存坦易而絕機險幼志業儒壯未遂改師端木挾貲  
裝遊歷南北二京窮蘓廣數省覽山川之勝相風俗之宜  
因土之產以其所無易其所有而浪跡商途公蓋天性方  
正利不苟取到處扶翼同事交契賢豪於是乎惠及遠人  
名高海內旣而流寇猖獗道路艱難遂收貲本歸田里務  
農桑棄其末而從本故廩有餘粟藏有餘布而家饒而屋  
潤矣公娶唐氏德性端莊克勤克儉生一子諱學儒聰明

老成早歲興家配媳吳氏執持婦道孝敬貞純雖然一家和樂而孫枝未見迨夫晚年而妻而子而媳相繼殞亡他人處此實不堪其憂矣公明能燭理志不逆天而由由然不以爲傷遂悉生平所創之產付之族親而一應世務槩行謝絕惟優游適意以養天真修宗祠造家譜綱維流俗振作後昆誠哉斯世之碩德而鄉里具瞻也已議者曰天不祐善人而使明宇公絕嗣乎予應之曰世之人有絕而不絕者有不絕而絕者豈宜執一論哉若明宇公者壽高而德懋心逸而日休惠澤及於遠方名著於四海而其安命知止正直仁厚之懿行百世可師未嘗以無嗣而泯

其視貴而驕富而吝身無片善可稱子孫蕩覆貽辱者奚  
啼天淵哉因錄以垂不朽云

廣陵覺非張星燦拜撰

賢二五八傳

公諱尙雲號際寰賢三五其行也前溪公之孫小泉公之  
長子生而慷慨有大志讀書不習章句惟領畧大旨穎悟  
天成宏才博識豪俠好客虛已下人和藹可親友于誼篤  
周人之急不惜傾囊解紛息爭不避權勢廿旬從父入京  
師都中文人貴客聞其賢皆禮敬而折節與交焉萬曆甲  
寅福藩受封之國延人幕中而國事劬勤惟勤惟謹乙卯  
受命置辦進貢龍袍服色及御玩器物而蘓杭巨商大賈  
莫不敬其公平而爭先愿與交易崇禎辛巳孟春流寇陷  
雒福主遇害保護世子縋城脫難冒突烽烟遁走懷慶甲

申春寇復陷懷扶翼世子登舟南下殫竭心力相從於患  
難者幾三年旋而燕都陷沒地圻天崩大行帝皇與社稷  
俱亡天下無主福世子爲諸大臣奉迎繼統改元弘光鼎  
新南國叙勞封功特授大金吾之爵恩及子孫偉哉若翁  
文不科甲武不戈矛取功名如拾芥且君臣相得每有咨  
詢皆稱號而不名非千古之奇遇一時之盛事哉公首娶  
姚氏生二子二女少子少殤長女適劉可元次適冷日昇  
繼娶薛氏生二女尙幼今也丹桂一本孫枝林立指日將  
撞破烟樓出人頭地矣經日有德此有人豈虛語哉予承  
委托纂修家乘因錄大畧以紀其實

廣陵覺非張星燦拜撰

讀

際寰老先生家乘詩一首

六龍夾日一龍存  
坐卧江于拱日輪

禾黍千畦供客釀  
鳧雛匝野引吟間

公侯事業光書冊  
帝子笙歌起後塵

世亂但知家乘在  
極星輝映五雲深

建業任調明題贈



賢五四公傳

夫起衰者小泉公之仲子也生而魁梧雄畧豪邁過人  
幼讀詩書不屑赴試乃曰學以爲己安用試爲剛直好  
義曠達不羣甲申國變以兄際寰從福世子於亂危之  
地特往相助密探在南諸臣定議迎立而首爲捷報協  
力助兄及從亡諸臣衝鋒突圍出世子於虎穴之中而  
得南都繼鼎其宣勞禦侮之績業已簡帝在心迨至敘  
功封賞之時而司籍者竟失其實混名於旗校之列幸  
賴

聖明藻鑒御筆僉改特授錦衣百戶世襲之爵未幾陞授

千戶加授街道坊掌刑南都御史奈之何天不祚明北  
兵南下君臣被擄而大將軍豫王見公狀貌雄偉不忍  
加害強授守備委任永生洲以當江海之衝公鬱二不  
樂豫王北去卽棄職歸隱於鄉公娶聶氏生四子二女  
男勤耕讀女尙桑麻尊卑有等長幼有序彬彬然爲一  
時之人望予因嘉之曰若起翁者君子人歟尙德人歟  
曰君子人也尙德人也遂援筆而錄之

廣陵覺非張星燦拜撰

仁德王公傳

公諱學武字佐臣號仁德良七三其行也公秉姿純厚  
氣質溫良凡有所爲兢兢業業不敢苟且以從事家庭  
宗族以及親戚師友之間無不各盡其道其于貧窮時  
深矜恤寡孤愈加哀憐鄰里鄉黨有求救於公者非惟  
施財惠於一時益且存仁愛於畢世昆仲五人而公居  
其長創立基址積金千餘所置田地房產服飾器皿俱  
照數均分並無私心致有偏向父母疾病公食不甘味  
衣不解帶朝夕焚香泣禱於天求以身代是以宗族稱  
其孝兄弟嘉其公親戚師友道其賢鄰里鄉黨頌其德

宜乎四方之士聞其名而慕見其行而喜往揖其貌而  
竦聽其言論而驚以服久與居而不能舍以去也原配  
陳氏內助多賢委婉可羨繼配戴氏溫柔爾雅德性幽  
香又配左氏持己以仁相夫以德生二子長曰志學慷  
慨仗義孝弟慈祥勤儉馭家敬承父道次曰志書立愛  
立敬以德以仁尊師重友睦族和鄰三女得適正人公  
壽六十有一生卒墓墓左版有書無容再贅予生也晚  
雖不獲覩公之面幸嘗竊聞公之爲人企公之遺事而  
樂與後世道也於是乎傳

康熙歲次乙酉暮春上浣

雲陽張耀先頓首拜撰

志海公傳

志海公者學舉公之子也學舉公生公一人終鮮兄弟幼而勤苦持家治產櫛風沐雨能以甘旨孝養二親古所謂父母不戚戚妻子不咨咨者歟及學舉公沒而公事事能體父志家居則和鄰睦族渾是一團和氣處鄉邦或排難解紛以忠厚待人以至誠接物與公遇者咸藹然如飲醇醪不覺自醉是以遠近稱之無間言尤可異者公有同祖兄志禮公少亡生孤子二人長諱明忠次諱明悌公憐其無依視爲親姪躬親撫育衣食教誨雖愛其所生不是過也噫晚近世幾不德矣猶子比兒之說以爲刻薄者所厭

聞視姪如路人者所在多有甚且爭田兢產視若賊仇釁  
生骨肉如吳之闔閭王僚者何可勝道此仁人義士務實  
敦本者所以往往廢書三嘆而怒髮衝冠欲割之殺之而  
後快於心也如公之念同祖一脉以其姪猶已子教之成  
立婚配克完若公者四海之大有幾人哉嗚呼此種高誼  
真與鄧伯道千古神交更與登西山而採薇者後先媲美  
也士君子顯幽闡微凡聞一善言見一善行不勝津津二樂  
道稱之於口筆之於書乃爲善欲長之意斯人也而有斯  
德也是予心所仰止不忘者也麒麟生也晚雖未識公之面  
而樸厚仁讓之風聞之已久今公之外孫陳國珍因公之

家乘告成特以公傳來請麒麟嘆曰是誠可以傳也爰以布帛菽粟之言書公生平之大槩云

皆

大清乾隆十七年歲次壬申菊月下浣之吉日

年家眷晚生麟臯氏吳一麒頓首拜撰



橋西公傳

橋西公諱明端行晉百十五大如先生之長子橋西其號也大如先生幼習舉業有志進取故常受徒以館於外而一生躑躅不得志是以科名終未就廼抱遺經三墳五典八索九丘甘老死於荒江圖秀之濱儒林中士君子咸爲先生惜之先生配田孺人生橋西公昆仲二人其次卽明揚翁其族弟志貴公無嗣因愛立爲其子雖則過房兩地居住而二公以孝事父母與夫敬兄愛弟之心自少至老無時不怡怡親愛焉余齠齡時見橋西公會與吾鄰人沈翁交好至篤每時至其家兩人言笑自若如親昆弟然余

見公狀貌魁梧語言剛大正直爲人和靄居家孝悌慈祥里中歸然稱長者兼之與人交以而能敬迨有平仲之風焉雖家業輕寒而能清儉自守孝友懋施與淑配趙孺人相農隱以給於衣食公年至四十餘爲子孫貽謀計廼創業於泰興之南鄉曰新鎮市以貨殖焉貿易公平童叟無欺而中年外失偶義不再娶若公者真堪配羲皇以上之古人而庸俗之流萬萬莫及也今公之二子長君一本次君一瑞仍繼公業家業隆隆日起嘉慶庚申公族氏重修家乘其次子一瑞君乞余言而爲公傳余雖不能文公之懿行與忠厚仁義之風家嚴已詳言之卓二可傳廼不揣

固陋以家嚴之所言而爲公傳公歿時年六十有一孫三人  
人正方興而未艾也

宗晚輔廷拜譔

明柏公傳

公諱明柏字永榮志昭公之次子也爲人溫厚和平與其兄明松翁侍父志昭公及母姚孺人昏定辰省得二老人歡凡侍父母數十餘年飲食起居皆從父母之所願而生前歿後又能以禮祭墓之故內外無一間言而人人以孝稱於宗族鄉黨謂公輩能盡爲子之道而能若是其後世必昌也公與人交接往來渾渾不露圭角非其道義一介無妄取接之者如被春風坐冬日焉然守志端直不苟異同鄉里諸少年或有好論人之短長者公聞之每以正言責之嗣後諸少年聞公步履及之則緘口不敢議論人之

三丘志  
卷一  
短長始而憚公之正旣而服公之化人皆目之曰長者凡  
宗族鄉黨有是非曲直相爭不平者必得公一言而是非  
乃定與其兄自幼至老咸怡怡友愛而不衰公父志昭公  
昆弟三人其伯兄志昆公無嗣志昭公遺命以公承其宗  
支守其禮祀永無廢墜公遵從而守之亦傳命於其子而  
世世守之以無違先人之志云公幼讀書志進取後以父  
命棄而服賈故貿易於外者亦相有年而年至五旬外以  
足疾艱於遠涉故而家居乃又復理故業館於其祠者又  
數年其族氏之童蒙咸賴公訓誨焉然公竟以足疾大發  
不時起卧以致不能受童蒙以教之故又棄館而家居後

竟以足疾以殞其生歿年六十有二配張孺人多才能能  
執婦道治家教子彬彬然皆有禮法焉生二子長一高繼  
公志仍貿易於外次一倫以農業掾守其家二女皆擇配  
名家子公與明松翁皆吾友也明松翁因向予言曰吾弟  
雖然亡矣吾常痛念手足之情歿後無一言以誌其終始  
其生前之爲人知之深者無踰於君也因不辭固陋而將  
素昔之所知以爲公之傳云

宗教弟厚村撰

明儒公傳

明儒王公余之姨外父也舉二子長輔君次世卿庚申二月王氏方有宗乘之輯輔君思念劬勞不忘舊德乞余一言爲之傳余少習爲詞章樂道人善遇有請乞從之欣然雖踈且遠者咸莫之拒而弗爲也况夫近在鄉鄰素所欽信而又重之以葭莩之誼其於義安得而辭第今世之俗人多諱忌直道罔行立言之家徃徃摒擋一切臚列衆美雜然前陳言大而夸文煩而戾惟其可觀不必信於事惟其可喜不必適於道雖事豐奇偉詞富膏腴識者非之謂其近於誣且諛內先已而外亦非所以處人而與以可安

也余憶公之爲人貌古心孩言論忼爽與人交不欺不滓  
豈有慕乎世俗者之所爲謂不妨以痛癢無關之浮辭進  
而誇一時之豪盛耀一族之觀瞻哉然其實亦自有不容  
沒者公自幼讀書聰穎異人逮其長也以家業寔微廢讀  
而業於耕胼手胝足粗糲自甘中效計然徵貴賤賈遊四  
方爲憶其時橫慮困心寢驚夢愕上思析薪負荷之艱下  
念燕翼貽謀之重如行遠道如涉巨川未識息肩何地漂  
泊何方卒乃惠邀天眷福履綏將嗣子象賢孫枝穎發以  
視數十年前其改觀乎而其間經營締造之勞涉歷風霜  
之慘有不能盡言者矣嗟二苦心人天不負積善之家必



有餘慶如公之懷芳履潔辛苦備嘗豈易二哉惜余潦倒  
荒郊無當代名流之德位文章足爲公重聊爲紀其生平  
敘其始末知天之嘉公之志憫公之勞使之克昌厥後者  
方興而未有艾也

眷姪洪宗禮頓首拜撰

王一何公傳

公諱一何行敦六七晉五九公之子也公賦性至孝幼讀書輒心慕古人之爲人不規規於章句旣長見翁治家務煩瑣遂慨然起曰吾人之所以讀書立身者莫大于孝耳今吾父倦勤而吾又寡兄弟顧優悠坐誦不能宣力分憂則爲子之職有虧其負于書者已多矣尙何書之讀爲爰是束書高閣凡經營籌畫公任之問舍求田雖沾體塗足不顧也暇則牽車服賈歷盡風霜公則處之泰然未嘗告瘁家業遂隆隆起十數年來翁得晏然安枕而無憂者皆公有以致之也且性好施予見有饑寒者量意周給之有

婚嫁未遂公無不委曲懇至竭力玉成里中或有雀角必  
輸誠排解不恤捐資以求事寢而後已故身受其惠者銘  
心刻骨不敢有忘間有向公稱感其德者公則曰扶危濟  
困吾父素志也庭訓諄々朝夕耳熟予小子其敢忽諸且  
區々者亦何足云德也聞之者益嘆服先是翁抱病公侍  
側衣不解帶湯藥必親嘗及病大漸恨不能以身代蓋至  
抱終天而公之心亦碎矣論者謂公之孝根于性志于讀  
書時而亦未嘗不陶鑄于艱苦中以成之也公配姚氏孺  
人治家謹嚴內助有成一子科秀克繼前業一女適姚其  
壻廷展向余道其本末故爲之傳

宗弟王用周撰

一道公傳

公諱一道字以德明舜公之子已下世數年矣爲人直樸  
有古人風趣一生忠厚和平竭力於畎畝之中與人交以  
而能敬在鄉黨中非禮勿言非禮勿動其族之子弟敬公  
如門弟子之從先生坐春風中得沾時雨之化無不畏而  
敬愛焉公常有言曰爲士子則習舉業爲農夫則是耕耘  
聞公言人皆推公爲里黨中之長者淑配賈孺人與公同  
志耕鋤人稱之如陶潛夫婦兼之侍姑嫜賢而孝承先啓  
後人所難能生三子長科龍次科鳳季科麟俱得乃父遺  
風女一適宗張橋張元明今公雖下世數年間嘗每過其

里居其里中之父老子弟仍稱戴於公之懿行公雖亡而  
芳名仍施於後世如公之存也異日者孫枝吐秀蘭蕙聯  
芳必有崛起者報公於地下也是爲之傳

宗姪輔廷拜撰

節孝母胡孺人傳

節孝母胡孺人者吾鄉同里胡公女也胡公無子只生女一人以字同里王一美公胡孺人侍孀姑以孝治家政以勤凡作事皆合於理法一美公有巨過不悛而胡孺人以正言諫之不聽於是棄母棄妻與子而遠流於外竟莫知其所終也然其去時已有三子長六齡次四齡季甫三月母年六十胡年二十有八家貧甚姑欲令其改適得財禮以資生胡聞言對姑號泣曰我夫雖去無踪他日或歸亦未可知吾今如嫠婦耳願携抱諸兒乞食奉姑如再更從一有死而已其姑見婦旣已矢志堅貞而諸孫又雙眸炯

二隨母啼饑號寒心亦不忍言母子離散令婦以去也節母侍孀姑以婦道而兼子道鄉黨宗族以孝婦稱之越十餘年而姑卒百盤拮据以終喪葬而諸孤亦撫成立及後長三兩子又中年死節母又爲遺孤肩任兩代一身苦節五十一年壽七十有九無疾而終母歿未幾而次子亦亡今存二孫以奉母祀余因不忍沒其苦節乃爲之傳著刻於其家乘以俟異日採風者有所擇而取焉

厚村曰如母之賢孝苦節完貞宜請旌揚以光彤史庶不沒其生平苦行奈其二子境去其貧而又中年相繼以殞故未以母節請旌於朝其里人深爲之痛恨也嗚呼昔歎

陽文忠公所以表於其母阡者具在此事之舉不亦又在  
其孫子也哉



科文君德配苦節趙孺人合傳

君諱科文一勤公之長子故明南都御史起寰公六世孫也一勤公端方正直鄉之望人生平喪失四偶而君係元配鄭孺人所生也鄭孺人賢而孝惜乎早亡一勤公二娶三娶及四娶君皆以孝侍之其弟科材則君之四繼母張孺人所生而君之德配趙孺人亦君之三繼母洪孺人所出卽其前夫趙氏遺孤女也一勤公撫育愛之如己女洪孺人命卽以其女配君君幼從父一勤公貿易於外十有餘年至一勤公歿後旣而家居家業大落未幾君亦早世趙孺人生三子君歿時俱幼而趙孺人以少婦而能守制

撫孤兼之冬無被夏無帳以至衣食勿周而貧苦特甚凡  
婦女班中見聞趙孺人之苦節者無不爲之墮淚焉苦節  
若而年終未得壽考及子之養而亦卽世歿年三十六其  
族人皆云苦死者趙節婦是也孺人存其次子則夭至孺  
人歿後未數年而其長子亦亡今存三子盛祥又出繼其  
族人科年翁爲嗣嗚呼節婦之志徒勞空望誠苦已哉憶  
當日其母洪孺人率其女來吾家拜吾母爲母則吾輩與  
趙孺人爲姊爲弟稱之且每歲春秋常往來吾家省問吾  
母之安否甚敬而吾母亦愛之如已女焉待吾兄弟姊妹  
亦各彬彬有理兩相敬愛如同父母所生今趙孺人雖歿

多年而吾每過其里居及其墓所心猶耿耿不忘吾姊之  
苦節故特著其大畧補刻於其家乘以垂不朽云

愚弟厚村曰吾姊之後尤望吾甥奮志成立以綿兩家宗  
支血食不絕於綫如其寥落無成則吾姊及科文君之心  
志終不瞑目於九原矣嗚呼痛哉若趙孺人之苦節誠與  
吾母早歲守貞艱苦類同而吾母雖得見娶婦及抱孫較  
之吾姊似乎聊可然亦未得享其高年俟不孝孤以報母  
劬今作趙孺人傳烏得不思吾母之苦節而相與痛哭流  
涕也哉抑又思之夫天何不錫吾姊之年以永生其以昌  
其後乎

德功翁序

名者何實之驗也實者何名之根也然則人生斯世其足以稱當時而傳後世者不在無端之虛譽而在有本之聲聞王君德功非所稱忠厚長者耶間嘗過其里居觀其舉止則見其沉靜簡默無詐無虞循循焉殫道德於其身修孝弟于其家敦仁讓於其族至於尊師重友教子訓孫和鄉睦鄰恤孤憐寡敬老慈幼皆各如其分以竭之稱其量以致之蓋其天性有不得不然者然後知王君之盛德存於中者有甚深發於外者有至厚也豈不美哉嗟嗟忠厚如王君洵可以風矣

昔

康熙歲次乙酉季春下浣

雲陽張耀先頓首拜撰

端方公序

鳳曆初頒幽閑無事予與吾陽蔣子千里吳子蓀右自  
三義閣前乘舟直抵潤城京口考其各山大川覽其風  
土人物斯日也天氣清明惠風和暢或賦詩以見志或  
歌咲以言情致足樂也予輩攝衣而上登金焦遊北固  
其情其狀歷歷有不可勝數者反而登舟順流而放於  
圖山之下則見其波濤洶湧水光接天覩斯江也殊令  
人觸目娛情而不勝恪懌者矣又見其朝暉夕陰氣象  
千萬登斯山也更令人神曠神怡而不勝愉快者矣且  
有五峰之秀氣以聯其勢塔廟之輝煌以壯其形洵洋

洋乎一大觀也俄而棄舟上輿道經團沙忽有一人扶杖而前其氣昂然其言藹如揖予輩而問曰貴客何來乎予輩答曰從遊而來其人曰貴客但知樂山水之樂而不知吾懷自有其樂也夫人之生也俯仰一世然苟以忠厚存其心正直端其本而一身盡矣父子篤天性之恩兄弟敦友恭之誼唱隨行乎夫婦而愛敬盡於翁姑而家道成矣敬以事吾老慈以待吾幼則尊卑不紊而少長有序而宗族和矣貧窮加矜恤之心寡孤存哀憐之意則疾病相扶而患難相救而鄰里鄉黨無憾矣恩德施諸姻婭信義加於同志則內外有別而終始不

歎而親戚朋友無負矣人生之真樂莫大於此何必在  
區區山水之間哉予輩聞其言遂不覺有感於衷會於  
意愛之重之甚奇其人而不忍去也及進而察其行事  
而其所爲適如其所言吾輩於是益知其人之盛  
德化於家庭族黨之間者厚且深感於親戚朋友之際  
者廣且大也予輩職列儒林於善皆有表揚之責故特  
旌之以載於譜書之左其人爲誰潤東王君端方也

皆

康熙歲次乙酉立春後二日

賜進士出身四川潼川州蓬溪縣知縣前浙江溫州府推



別官年家眷弟潘之彪頓首拜撰

東風漸暖水已消立春第一日

春首

賦之則難外備書之空其人為難則東王

春盡且大也予輩雖以山林為首皆自

歸引外家與我輩之別齊與且深想外

而其人之不與我輩其言若若我輩其人之

寫我之重之甚荷其人而不忍去也

通山山水之間時年輩間其言若不實

端方翁序

大凡士君子之稱一人也必其人之素行可名於當時  
可傳於後世然後取而樂道之王子端方翁起寰先生  
第四公子也起寰先生生於明季弘光元年保駕有功  
爲巡街御史小心謹慎正色立朝有古大臣風生翁十  
歲孝友純篤亦其天性然也長而成立慷慨仗義日與  
賢人正士相往來不屑屑與庸碌爲伍間從課業之暇  
竊窺其爲人嚴毅正直舉止大方持已莊以敬待人恕  
以寬馭家以勤儉訓子以義方至於扶人之危排人之  
難周人之急息人之爭誘人之善益如饑渴之於飲食

欲須臾忘之而不可得翁之品槩過於俗人遠矣不亦  
翩翩濁世之佳公子哉孺人孫氏有內助之賢生子五  
人有愛敬之實非翁之盛德有以感之烏能至此甲申  
歲念一朞之攸關忠源流之有自慨然以續修家乘爲  
已任闡隱逸潛德之幽光著楷模後進之令範事竣而  
付之梓人鏤之版籍上有以光祖宗下有以垂孫子予  
亦樂觀厥成而爲天下後世勸也於是乎書

贊曰

堂堂公子 德性溫良 立心正直 訓子義方

行事不苟

出言有章

風前鼓樂

月下笙簧

孝友純篤

姓字馨香

藹二傑士

歌思未央

昔

康熙歲次乙酉清明前十日

曲阿張耀先頓首撰

憲文公序

從來人之有可名者非徒於其名必於其實也無其實雖名何益有其實不名亦彰是以人之所以名我者終不如我之自有其名也何則人之所以名我者不過在富貴聲勢之間而我之自有其名者不在富貴聲勢而在仁義道德王君理明果何如人哉壬午歲吾陽王子建章設帳於其家予徃過焉王子曰吾東主有諱學章字憲文號理明者足下亦知其人否予曰吾素聞其名未見其行耳試爲我悉言之王子曰仁義本乎性而發乎情道德從乎心而原乎性仁義道德生人之本也以

三上多美  
之律已而已無不修以之待人而人無不合理明秉性  
仁厚孝友天成宗族處之以和親戚接之以禮鄉黨通  
之以義鄰里結之以恩朋友交之以信奴僕待之以寬  
老幼加以以德刑於之化及於其妻義方之訓施於其  
子抑二乎不敢以賢智先人也兢兢乎亦惟以禮義自  
處也理明生平大都如此予聞其言不覺肅然起敬穆  
然深思曰信如子言理明爲人誠非中人以下者所可  
及也及進而窺其爲人觀其行事則見其舉止不凡施  
爲有序而適如王子所言詩曰豈弟君子莫不令儀王  
君有焉曰秩秩德音溫其如玉王君有焉曰庶幾夙夜

以永終譽王君有焉故特表之而爲後世勸

贊曰

偉矣王君

卓立不羣

威儀抑抑

孝友殷殷

扶危濟困

排難解紛

忠厚律已

聲名遠聞

峕

康熙歲次乙酉季春上浣

曲阿張耀先頓首拜撰

序王兄諱志英字君兆號承恩記

夫人生天地間上而公卿下而士庶莫不各有褒貶此  
乃春秋筆意人生定品也然而貶者不足論褒者不敢  
妄若褒者稱其爵祿稱其權勢稱其金帛俱不足道噫  
吾友承恩王兄者生平德誼稍道一二幼而岐嶷長而  
卓犖克勤克儉能敬能和鄉人稱之邦人道之予實深  
信之可惜椿萱早逝卜宅京口納室呂氏內助成家生  
四子四女嫁配未畢嗚呼而吾友逝矣人雖逝而德誼  
猶嘖嘖在鄉邦之口稱之不置其長子曰明鏐釋紛解  
訟有魯仲連之才次日明錡俠義豪爽有杜季良之風



三曰明釗就有道而悅詩書四曰明錫隨吾友而騎白  
鶴此三子者雖天造之而實地成之也若王兄德誼不  
啻潤城稱之卽吾邦上亦慕之久矣而孺人之貞烈薰  
陶諸子實女中丈夫閨內姆範耳予聞貴族大修家乘  
故爾聊備數詞以俟鄉邦可頌是爲之記

昔

康熙歲次乙酉孟夏上浣之吉

鳳陽府泗州盱眙縣教授黃天嗣拜撰

夫八土天賦開土而公職不而士熱莫不各官憂烈此

王爾登序

間嘗讀蘓老泉夫子族譜亭記而穆然想見其敦倫睦族之意至深遠也嘆鄉鄰風俗之不美慕匹夫之能化其鄉人以示勸也輓近世之漠視譜系者多矣近聞爾登王兄慨然肩此任余竊神仰之因詢其生平爲人大約其行閭修悃悞無華如晦菴夫子所稱樸實頭者也初爾登兄家世豐裕忠厚相傳及爾登兄中落遂奮然興起儉而且勤耕亦兼賈貿易於常郡辛苦數十年遂至饒餘然後歸賦性慷慨樸誠剛不吐柔不如善於排難釋紛每於閭里間有是非爭鬪者兄以片言解之無

不心服而去家居自始有少有以漸至富有而心固欲  
如也耕餘之暇訓其子以孝弟忠信恒諄二於作事須  
循天理出言要順人心鄉人處處以善士稱之咸敬其  
正直無私迄今年已六十四矣夫婦齊眉丈夫子一舉  
二孫俱嶄然見頭角識者咸謂天之報施善人爲不爽  
將來孝子之後還生孝子慈孫之後更有慈孫寔昌寔  
熾方興未艾此理數之必然者愈可見爲善必昌栽者  
之必培也今歲爾登兄糾族修明家乘適有余友人趙  
海籌先生設帳於尊府特以爾登兄序請余不敢以謏

陋辭且顯微闡幽表揚善行固吾儕分內事也如爾登

兄之樸實闇修亦可謂得老泉夫子敦倫睦族之意者  
也故欣然揮翰而爲之序

嘗

大清乾隆十七歲次亥戡涖灘無射月穀旦

年家眷弟麟臯氏吳一麒頓首拜撰

文運兄序

乾隆庚午之秋偕門人陳國珍訪菊於貴頭王之村國  
珍母舅字文運者館於其村之張宅書室瀟灑新菊燦  
燦其餘丹楓黃葉點綴頗幽子然無侶抱膝孤吟攤書  
煮茗逍遙自怡者卽文運也予見而心異其人把臂談  
心如舊相識匆匆分袂每低徊想見其爲人迄今九月  
望後曾幾何時已依二二載矣正有蒹葭秋水之慕而  
國珍忽叩門特以文運兄之序來請蓋以文運兄家乘  
告成旣爲文運兄之父志海公傳因并及其子也予輒  
然曰是予之責也夫是予之責也夫近日凡修造譜牒

者每道揚先世之懿美必假手於當代之名公鉅卿粉  
飾增輝大槩譽慕之文居多傳信之事絕少三代以下  
惟恐不好名然耶否耶今予與文運兄本屬契交其生  
平爲人一一盡知之卽無國珍來請猶當大書特書以  
光王氏譜牒况又諄二以是請歟至於耕之勤持家之  
儉修已待人之忠恕設帳課徒之循循善誘吟風弄月  
種竹栽花種種高情逸致可與騷人心心相映者又不  
足道且不必道也矣

昔

大清乾隆十七年歲次壬申桂月下浣之吉日

年家眷弟麟臯氏吳一麒頓首拜撰

明松宗翁序

吾生平不妄交人而所交遊者皆文人墨士及忠正誠實之君子橋之西有明松王翁者亦吾之相知契友也翁爲志昭公之長子其弟明柏翁出繼其伯爲嗣侍伯父伯母之道生前歿後孝敬堪嘉其晚年館於其祠亦常與吾交焉夫以翁昆弟二人幼得志昭公趨庭之訓俱以正直忠厚誠實處世故生平作事無私凡驚翁之口講指畫必正大光明而後已又能步步皆趨實地吾與之交及其昆弟亦皆有年矣然予三人每相見時共相談敘如儒林硯友雖則淡交若水而親愛仁厚之心



過之吾獨愛翁輩純是一團和藹之氣見於眉宇間吾  
人之所不及且能以孝友世其家誠令人企慕無窮愈  
久而愈加敬慕愈久而愈加敬愛也翁與其弟自童顏  
至鶴髮皆怡怡友愛而不衰以至鄉黨之中有爭田競  
產以強欺懦者凡來翁前縷訴其是非曲直悉皆以理  
解之能化梗爲良聽翁之言無不感仰悅服而甘心焉  
非若時人評論偏私覷人面勢利之賢否而模稜顛倒  
其是非如翁之德行仁心衆所推服年愈邁而德行愈  
高翁之爲人仁心仁聞不獨翁族罕有而鄉黨中亦鮮  
有及之者翁真有太古之遺風其君子鄉人也彥方王

公之流亞歟德配冷孺人同事翁姑而能孝與翁眉案  
相壯人擬之如梁鴻孟光兼之治家教子及課孫無不  
以勤以儉曰孝曰敬焉今翁族重修家乘翁爲一族之  
尊倡率兼修又爲一族祖宗之力臣功居第一予雖不  
文烏得不爲之序以表揚之

眷教弟吳曉昇頓首撰

一虎王翁序

潤州之東有一虎王翁者其族之忠正人也因與余交  
最久故余素昔知翁初生之時將七日而翁父遂歿乃  
隨母氏去以撫於唐迨六齡卽知痛念祖宗禮祀廢缺  
其叔王明舜公見翁爲孺子時天性純孝如此心亦不  
忍沒其兄之裔流於他所乃携翁復歸故里以撫以教  
以至於成人受室明舜公愛姪過如己子不以貧寒而  
有二心故能撫之以承兄之祧其人其德鄉人稱之邦  
人頌之撫孤之功功莫大焉及後翁亦以孝敬侍叔嬪  
如同父母云夫翁自垂髫守祀迄今已數十年於茲矣

三邑家範  
卷之二  
翁淑配姚孺人與翁同志耕鋤相夫教子懿範可風生子五人雖以貧故而未能教之讀書著名然必教之以孝悌力田服賈兼之諸子媳亦以孝敬奉翁今翁壽及七旬有六歲丙辰適逢

聖主登極遇

覃恩養老尊賢其鄉人以翁名報籍詳請蒙

恩詔下許丁侍養錫以九品冠帶猗歟休哉蓋翁一生之忠孝勤勞以匹夫之懿行而能全其孝道於祖考視今之富貴榮各有乖於天倫者聞翁之風能無愧乎哉且里人咸謂翁能全孝道故得享此高年耳聰而目明得

名得壽爲邦人之所推重天之報施豈不爽歟抑又思  
之異日孫枝吐秀玉樹庭堦播休聲於宇宙不亦又爲  
翁增一輝煌也哉因翁之族重修家乘翁其子科誠君  
來請序於余余以素昔知翁者而爲之序以表揚於宗  
族鄉黨俾後世翁家之孝子慈孫有所觀感而敬慕焉

宗教弟厚村撰

送一瑞宗兄序

士君子有言大丈夫不能以七軀報效王朝名垂青史甚自愧也然亦能有嘉言懿行立功於宗族祖考則其人之可傳播名於鄉黨宗族者亦猶是大丈夫報效王朝名垂青史者矣吾向未見其人也迺今於吾友一瑞宗君而得之君爲橋西公之次子幼承父母之訓其居家也有法其涉世也有道其事椿萱也能孝其待叔兄也能恭其爲人也能忠其交朋也能信其貿易也能公其待人也能和其教子姪也能慈其待賓師也能敬其奉祖考蒸嘗也能虔其兼修族譜也能勤凡天下之人能有此數則者誠不愧

三氏身身  
卷之二  
乎大丈夫報效王朝各垂青史者矣故爲之序以贈之今  
君年僅五十有三而鬚眉皓白儀表巋然蓋丰姿卓二氣  
旺神清與君交遊者咸謂君之貌若南極老人星余獨論  
君之品行端方成實有英雄豪傑之梗槩迺卓然不羣而  
可爲世風之法則者曰孝恭忠信公和慈敬與虔勤較之  
士君子所言大丈夫報效王朝各垂青史者其事雖不同  
而其義則一也余故曰凡天下之人能有功於鄉黨宗族  
祖考懿行嘉言垂名於家乘者誠不愧乎大丈夫報效王  
朝各垂青史者矣故捉筆而書君之實行贈君如是云云

玉君科龍序

科龍王君得乃父風撻勞畎畝竭力而耕竭力而作尤能以孝敬事父母以友愛待昆仲凡與人交接徃來君之性情剛猛直言而不諱敢道人之所難言其不志者亦因此惡君遭羅誹謗蓋君之天性猛剛而未得其中和之道然獨立不移亦可稱之爲中流砥柱余常論人生天地必剛柔相濟貧不諂富不驕要之乎外柔而內剛乃得其中正不偏不倚乃得其中和以此論君君必從乎吾言外柔而內剛者也書曰和氣致祥不亦昭哉今君同其族老明松翁倡率以修家乘一長一幼乃又



勞不居功余甚嘉其懿行詩曰無念爾祖聿修厥德君  
其念之以匹夫而能若是乎余深企慕焉耳故特書此  
序以贈之中五不歸不種八科其中疎以也簡我錄也

宗弟厚村撰而內

味之豈然樹立不疑亦何辨之為中亦如對余常論人  
亦因也茲言數鄧精等益故之天卦益剛而未新其中  
之卦則剛益直言而不韜類蓋人之也獲言其不志者  
翁以幸也事父母以文愛於昆仲以與人交對卦來言  
除翁王晉爵代父風樹幾篇篇散代而樣散代而利示

世德考

賢二十

公諱尙清字景夷號明宇育十六公次子也操履端方  
秉心正直威儀抑抑孝友殷殷扶危濟困解難息爭斯  
乃仁義兩全之士也

良十四

公諱學賢字爾哲賢三五公長子也生性醇樸忠厚真  
誠父作子述不忤不求吾黨逸士晉室風流斯誠嘯歌  
自得之人也

三  
良四一  
公諱學佐字贊修賢五四公長子也公孝慈立心義俠  
任事人有忿爭者必代爲解釋之事有難成者必代爲  
曲全之斯誠宗族所共稱里黨所共仰者也

良四三

公諱學孔字文甫賢十七公長子也生平當事有作有  
爲本末克全剛柔相濟此誠品高沮溺智亞孫龐者歟

良五九

公諱學堯字則之賢廿八公之子也儀容俊雅態度風流高歌適興博奕怡情徜徉乎風月之場徙倚乎竹林之下乃義皇亞匹當世之幽人也

良六十

公諱學聖字中甫賢十七公次子也忠厚存心端莊持已孝悌克盡友愛無傷且言不妄發利不苟取清時之傑士濁世之偉人也

良九四

公諱學憲字華章賢七一公四子也生平善於貿易最喜酒卮孝親敬長重友尊師兢兢業業惟恐不足則知公之品槩洵非常人所可及者也

良九五

公諱學坤字玉成賢六一公三子也秉性純厚言語溫  
和持已接物寬而多平修身齊家仁而且讓貿易耕耘  
事業日盛洵可爲後世法程者也

公諱學舜字隆甫號耕南賢八三公長子也性敏而慧  
長事耕耘經營貿易家業豐盈孝親友弟鄉黨咸稱和  
鄰睦族正直寬平協修譜牒垂裕後昆斯誠近今悅服  
後世傳名矣

惠六

公諱志邦字獻廷良九公之子也幽人之真哲人之明  
心涵至理活潑胸襟立事誠慤立心忠義不慕榮名不  
貪祿利教子農桑不行商販茹素修身愈於游宦團沙

之隱士盛世之潔人也

惠九

公諱志鼎字德卿良廿六公之子也公賦性質樸不事浮靡奉二親以孝待昆仲以恭接親戚以禮處里黨以和務本而穀以豐逐末而貨以蕃生二子一女皆教之以正所謂一鄉之善人也

惠十五

公諱志傑字俊卿號壯圖良四三公次子也生平志氣

豪邁才力超羣胸中磊落臨事揮霍蕭曹智畧流俗皆知蘇張口給舉世咸聞行一己之浩浩叩闥於北平藐大人之巍巍代陳寃於督憲仁義中正之則欲遠效焉忠信廉潔之行有近似焉由是家庭嘉其孝友鄉黨道其賢能親友羨其德義斯誠議之固無可舉稱之信有可述者也族修譜牒謁力贊襄於承先啟後之事大有光焉

惠廿一

公諱志聖字調甫良四一公長子也賦性純厚接物以



仁幼習詩書長知孝友慈母年躋九旬公左右色養承  
順無違督農教子有謀有方是以家業饒裕名譽日彰  
可稱南徐之孝子今世之卓人也

惠二六

公諱志信字君美號誠源良三三公長子也爲人質樸  
純古忠厚和平安常守分不求於人是非曲直不干於  
已亦惟勤於耕耘力於貿易儉於制用外此無他法焉  
斯誠近今務本之人也

公諱志超字茂卿號越千良廿八公長子也生性耿介  
遇事公平幼而明敏長而有爲內而事親克盡其孝外  
而敬長克盡其恭交朋友以信待族黨以和人有以曲  
直告者公片言釋之皆息爭而去故親戚鄰里事無論  
大小咸質成於公非公之才德有大過人者烏能如此

惠五七

公諱志淳字髡如號伯卿良四四公之子也生性寬弘  
語言耿直事父母以孝聞事兄長以弟聞睦宗族以和

三  
聞待里黨以德聞交朋友以信聞篤實謹慎不事浮華  
斯誠近今忠厚之流也

利七

王君如何氣質溫和善良著美種德最多焚香諷誦禮  
拜彌陀一塵弗染萬象不磨無憂無慮任我歡歌

利九

忠厚守己質樸爲人克愛克敬以德以仁持家勤儉事  
業維新內有賢助爲室之珍

惠六六

允矣君子學冠羣英廉潔是尙孝友天成詩書淑世禮  
樂陶情謹言慎行遐邇傳名

惠七三

奉事父母孝由性生友於四弟率之以真羣而不黨矜  
而不爭課子有道交朋有情言詞和雅交易分明鄉鄰  
歌頌里黨揚聲

惠六七

人多昆玉惟君獨立童年失怙靡依匪母一點孝忱惟  
天可目勤儉和緩恒切於衷仁義忠信不離於體既能  
安分又能守己王氏之賢君可推矣

惠七八

爲人本分作事公平有書可讀有田可耕事親以孝待  
弟以誠言念善士奕世傳名

立身以義治事有方勤而且儉恂恂不狂孝悌克全嗣胤以昌垂諸家乘永世弗忘

惠八五

忠厚之量廣大之才安分守己重義輕財齊家以道倫序無乖載諸家譜永詔將來

晉一

秉姿爾雅作事從容孝親敬長尊祖睦宗詩書訓子仁  
義積躬持已以德接物以恭言詞藹二氣度雍雍公平  
善世忠厚可風

晉五

孝友天植篤實和純持躬接物慈愛良多

公秉豪傑之性具果藝之材一切瑣二細節不好修飾  
凡遇大事則不避險阻奮身以從之能言人之所不能  
言行人之所不能行望其儀容凜然不可犯及交深誼  
篤亦覺和易近人不侮鰥寡不畏強禦一生剛正之氣  
鄉黨孰能及之

公月公贊

公仁厚性成忠信素著少業耕桑備歷艱苦昆仲有四  
公居其次綜理內外勤耕勤賈不數年間而家業豐裕  
肯構肯堂煥然惟新者皆公之力居多令嗣明貴卓然



成立能繼父志將來昌大家聲垂裕後昆者矣

志昭翁贊

訥乎其言樸乎其形沉靜寡慾氣足神清慷慨仗義遠  
近咸欽續修譜系永任一心不役役於世務不碌碌於  
風塵誠哉一方之高士盛世之良民

明元兄贊

居心仁厚角立潛消律身醇謹持重不佻尊德樂義神  
致囂二懷芳履潔品望昭昭

明珩兄贊

忠信守己質直天成家殷財裕續緒克承孝親敬長近

遠咸聞協修家乘首倡之人允矣一鄉之傑士斯世之  
典型

明進翁贊

賦資耿介制行端方敦倫睦族飾紀整綱橫經負耒彌  
闇彌彰牽車服賈寢熾寢昌董修譜牒夙夜不遑承先  
啓後源遠流長

明周兄贊

言辭爽直出語驚人與物無忤與世無爭遇事果敢合  
族咸稱墳笮和藹孝友克敦

元駒翁贊

秉性剛直不諂不阿應事接物信義居多不避奸險正直無訛敢作敢爲芳名遠播

一章兄贊

老成練達世務精通持家勤儉竭力經營事奉萱親孝而且恭交友以信和煦雍雍洵爲一鄉之善士三代之逸民

明松宗翁贊

明松宗翁性度雍雍孝於父母友於昆仲鄉國播聞望重德隆倡修家乘爲祖亢宗彬彬乎鄉之善士卓卓乎

族之樑棟若翁者忠厚人也正直人也卽有道而能文者弗若是耶

一本兄贊

愍懃謹慎忠厚朴實犁耨鋤雲胼胝勞矻創業貽謀均堪  
誌式友愛性成拙志秉直族有斯人貯覘值德

一義兄贊

一義王君剛直性成事親無違修廬完倫貿兼力田勤儉  
一生今修家乘董其事云

一臯兄贊

視聽言動巨得先賢請日文行忠信焉敢忽忘聖誨修身

三省處世九思不貳不遷無諂無驕常居敬而行簡每賢  
賢而易色菽水承歡義方立教君可謂無忝所生克昌厥  
後也耶

一智兄贊

硯友智兄得廼父風氣靜性純質而兼農入孝出悌睦里  
和宗怡二色養和藹身躬

科年兄贊

操作西疇遐無惰志崇德守勤勞二一世不識不知帝則  
是事惜無後啓繼可守祀

科純兄贊

立身四教處世三省糾繆繩愆訥言敏行不諂不驕毋悞  
毋淫行已事親事侃二閭二

科才兄贊

和順傳家勤儉積躬竭力畎畝畫策經營交友以信行已  
以恭不吳不傲孝悌家風

科鳳兄贊

忠正朴實和平謙恭勤而且儉家業日豐立身行已禮義

所宗居心仁厚友弟敬兄

科泰兄贊

雁行有五君居其次堪比白眉儼若竇氏侍奉椿萱永言  
孝思花萼相輝姜被墳篋

科榮兄贊

噫君爲人朴實性成孝事父母恭處仲昆羣而不黨矜而  
不爭農兼貿易竭力一生今修家乘董其事云



題王氏族譜後跋

歷觀古來巨家望族未有不由於一二人之碩德偉畧以著耀於世者其人或出於始以肇其先或出於中以振其後蓋扶輿清淑之氣隨運流行或鍾於高山巨浸或聚於一丘一壑其篤生人物自屬非常歲甲申之季冬王團沙端方王君以其族人漸繁延龔子大行修纂不佞亦與其列間嘗與君樽酒論文而已心異其人及觀張子素修爲之贊言益知其爲君子之流倘所謂碩德偉畧者非耶噫嘻君之族自此昌矣今按其譜之所紀若端一公定九公非肇其先者乎君少負敦敏之質

長而益雄其猷業其於厚倫和族之道種種不問而可知矣且其蘭玉森森皆英偉之器寧非承先振後之一人哉王甸一族將來之著耀抑何疑予綴此一言於末以見得交於君且以留示其後之族人以見王氏之興起非苟也若其源流義例專其任者握之予不具論

眷教弟卞長瀛頓首拜撰

壬午歲余讀書山中適厚竿東主有譜系之舉吾友龔子大行爲之政因相與共風雨晦明者一載龔子時爲予言吾地有端方翁者齒高德厚稱道者譽之不容口君固識之乎予曰是吾宗也年來予僻居江隈凡屬知交非特天各一方者動予雲樹之想卽密邇如龔子者亦似有金玉之遐昔右丞詩云鶴巢松柏遍人訪畢門稀令予三復不已也索居之下幸得端方宗翁居址與吾廬相近藉以數晨夕慰生平余每欲爲一言以道翁之萬一而又恐余言之不足爲翁重也今春聞翁重訂

家乘余方欲推龔子及詢其人則正吾向之所與其風  
雨晦明者也因喜不自勝謂端翁之盛德大業可於此  
而誌之及閱翁家乘而翁之德業已爲雲陽潘子文山  
張子素修二先生所大贊錄旣詳且明而龔子已一一  
載之凡予之所欲稱者二子亦旣先我而言之矣然則  
二子者知翁者也龔子者知二子之足以知翁者也予  
則又知龔子梓二子之言之足以爲翁重者也余又烏  
容贊一詞而况吾言之亦未足翁重也耶於是雖愧不  
文而亦爲之跋

跋

粵積王氏之祖肇姓於姬封國於周發跡於漢晉六朝而盛於宋陽平之地望顯於今古徵諸史冊歷歷可考而知矣但今之修譜者徒知仍舊傳訛莫能詳其源流之始末而譜牒雖修與不修無異言念及此未嘗不三致慨焉今歲乙酉王氏諸君恐典籍久淹致倫序失次名分乖離慨然以續修家乘爲己任禮聘家君爲之政而殷君淵如亦爲之董其事云竊思先大父與際寰先生世有通家之雅而予輩與王氏諸君亦親誼也敢不竭力贊成乎是以家君與殷君朝夕商酌務欲考其流

源正其訛舛補其缺遺以無負王氏諸君尊祖敬宗之  
至意焉而其中條例所載詳列祖之德範梓先人之文  
獻定祠規之訓典以別尊卑至嚴也以定上下至慎也  
以序昭穆至肅也以撫老幼至仁也以睦宗族至和也  
不寧惟是而且定爲八考分爲四卷庶幾令後之君子  
閱斯譜者確然知編次之無訛纂修之甚正永遵此式  
奕世不渝非特無負吾輩一載襄事之苦心是亦可爲  
王氏百代傳世之令典也夫

眷晚生龔齊賢頓首拜撰

輩協同攷核參詳竭力盡心刪論評改以正其訛謬乃  
成王氏譜書之善本也夫王氏之族其後世各分子孫  
思前人修譜之功首推明松翁及科龍君輩倡率爲之  
繼又思吾叔及予小子操持翰墨共相輔之以著其功  
也因特跋言附於卷末云時嘉慶庚申春日宗晚朝俊

謹跋

宗喜又益文定語焉實有以而論矣夫主知節不節以  
當公擊賊武生之舉以爲宗族之榮也夫其後世之  
余嘗思天下各宗族其有能如之烈無不之有言矣

續修王氏宗譜跋

余嘗見天下名宗鉅族凡修譜牒之際無不乞序言於當代縉紳先生之筆以爲宗族輝煌榮耀此皆好勝之家喜以虛文妄語謬讚誇彰而縉紳先生彼時不過以應其人之請教而遂以應酬之語樂爲鼓吹聰聰依樣葫蘆者十有其九未聞有精嚴攷核而刪其訛僞以正其謬妄難免不貽譏於後世爲士君子之所評論也惟獨吾鄉橋東西王氏之族不然王氏之族自明初以來甲於潤之東鄉者由來久矣前之秉筆者已頌揚之今續修宗譜其族老明松翁及科龍君輩函書致余邀余



王氏歷修族譜倡首名氏

先君端一府君遺譜稿

原編

明永樂八年歲次庚寅春日

子

正三

松

修輯

孫

真三

廷熙

同輯

真四

廷杰

真八

廷蒸

真六

廷兼

正德八年歲次癸酉春日六世孫

義士

倫

倡修

七世孫

定六

珊

同修

定九 永周 經修

定十 國潔 兼修

定十四 璧 協修

定十七 永和 兼修

嘉靖廿四年歲次乙巳春日六世孫 義三 名 倡修

定六 珊 經修

定十五 璉

定廿三 瑾

定廿五 琥

八世孫 英八 鑄 協修

英九 銅 兼修

英十 鈿

英圭 元銳

萬曆四十三年乙卯仲冬八世孫 英三八 鋒 倡修

九世孫 育一 時暘 經修

育十三 時暖

育二十 時任

育五八 時信 兼修

清順治十一年甲午夏日九世孫 育五七時舉 倡修

十世孫 賢二十尚清 經修

賢三五尚雲

賢四二尚貴

賢四八尚登 兼修

賢六一尚成

十一世孫 良十 學周

良四三學孔

康熙四十四年乙酉二月

十一世孫

良七七學懋

倡修

良七九學斌

經修

良八六學悅

良九一學章

良九四學憲

良九九學舜

較正

十二世孫

利七 國鼎

惠六 志邦

閱梓

惠十五志傑

同修

惠廿一志聖

惠廿九志儒

惠三六志信

惠四二志超  
經修

惠五七志淳

惠五九志魁

惠六六志起

惠六七志有  
贊修

惠七三志文

惠七八志學  
較梓

東...十四年乙酉二月

十三世孫 晉二 正欽 兼修

晉六 明宏 經修

晉十三 明鑣

晉十五 明鈺 贊襄

乾隆十七年歲次壬申冬日

十一世孫 良一百 學葵 倡修

十二世孫 惠百一 志孝 協修

惠百三 志翔

惠百士 志浩

十三世孫 晉二 正欽 兼修

晉六 明宏 經修

晉十三 明鑣

晉十五 明鈺 贊襄

乾隆十七年歲次壬申冬日

十一世孫 良一百 學葵 倡修

十二世孫 惠百一 志孝 協修

惠百二 志翔

惠百三 志浩



晉百辛明柏

十四世孫

敦十四元駒

較梓

敦廿五一勤

敦三三二一良

敦三四一隆

敦四一一章

贊修

王氏歷修族譜倡首名氏

大清嘉慶四年歲次己未春日

十三世孫

晉百其明松

倡修

十四世孫

敦五六一虎

贊修

敦九三一璟

敦九六一鰲

敦九八一本

敦百六一義

協修

敦百五二高

敦百三一智

敦百三一相

十五世孫

尊十七科年

贊修

尊三二宏泰

尊三九科芳

尊四八科純

尊五一科榮

尊五八科材

尊六二科茂

尊六五科龍

經修

尊六七科秀

同修

十六世孫 廣六 盛元

十七世孫 謙一 有煥 贊修